


# 圖要劃計山平攻進

日九十月二



此計畫決定後陳軍亦由  
平山向法水前進西軍逃  
於羊塘圍北有兩成道漢  
戰即州圍第之之戰  
後


尺制比一之分万十






# 赤石附近攻擊準備位置要圖

二月十七日午前六時



附圖第八

尺例比一之分万十




# 揭陽縣防禦配要圖

二月十一日



附圖第九

尺例比一之分万十



禦揭陽城其餘校軍全部由揭陽出發諜報知逆軍劉志陸王定華黃任寰等部集中河婆分二路來襲午後一時逆軍右路前隊抵鯉湖左路前隊抵紅湖（距棉湖五里）校長抵普寧城卽令何團長依計佔領棉湖而令錢團長佔領湖尾以扼右路鯉湖一股粵軍許旅則進至桐坑狗肚等處（在棉湖北）邀擊之

本日午後五時校長前進至青嶼校軍到達宿營位置教導第二團駐湖尾（在棉湖東五里）第七旅駐桐坑（在棉湖北二十五里）教導第一團駐棉湖本團之位置如下（一）第一營爲前哨位置於河之左岸對於紅湖和順警戒並掩護後方部隊翌日渡河（二）本隊位置於棉湖東端向鯉湖方面派出警戒並與第二團聯絡

此時林虎逆軍之位置如下（一）由馬路上柵前進之一部午後二時其先頭抵紅湖旋復退回和順（二）和順林軍約有五六千人似有佔領和順北端高地之模樣（三）鯉湖林軍約三四千人尙未前進總計兩軍之形勢林軍之兵力與校軍及第七旅相較以林軍爲絕對優勢而黨軍以疲戰之餘當新銳之衆其勢尤相懸殊所可恃者常勝之軍餘勇可賈主義之師士氣常壯故敵雖衆無足畏也

十三日午前零點三十分校長遂命第七旅許部於十三日晨七時三十分以前至塔頭埠向敵左側包抄攻擊命第二團錢大鈞部於十三日晨五時三十分出發攻擊河右岸鯉湖之敵並掩

護第一團之左側命第一團何應欽部於十三日晨五時三十分渡河六時三十分攻擊正面和順之敵

敵情變化瞬息萬端鯉湖之敵乘早即轉來和順使第二團陷於無用武之地又因無精細地圖第七旅迂迴甚遠雖前進極速而與敵接觸甚難第一團由棉湖前進攻擊正面和順之敵而鯉湖之敵早已轉趨和順故第一團遂於本日午前八時獨當大敵而大戰開始矣

午前七時二十分教導第一團何團長率部進至距和順四里之曾塘村得知敵人王定華等部約五六千人在和順東端高地已佔領陣地準備頑抗何團長遂以第一營第二營爲第一線每營附機關槍兩挺第一營攻擊正面之敵第三營由右方前進繞攻敵之左翼第二營及特種部隊控置於第二線爲總預備隊但敵人既制地利人數復多至十餘倍接戰之初即以大部兵力向我包圍彼此相距不過二百米第一營猛烈奮戰以白刃相搏反覆衝鋒殺敵無算正面之敵始不敢進而我第一營損失亦異常奇重敵見正面難以進取遂以強大大兵力向我左翼襲來何團長當機立斷即命第三營迅速攻擊前進佔領右前方最高地以壓迫敵人並令預備隊亦以一排掩護機關槍挺進與敵苦戰而牽掣之午前十時十分因第一營左翼向曾塘村東北之小高地轉移於是該村已無人守敵遂由曾塘村前進至該村東端田地內距團部僅三百米達團長乃命第二營長劉峙率領總預備隊之第六連渡小河用刺刀向敵衝鋒同時命砲兵向曾塘村東端田地內之

敵散兵射擊第一砲命中該敵散兵敵遂爭向後退第二砲向曾塘村東端射擊敵紛紛退入曾塘村第三砲以曾塘村內獨立樹爲目標此砲斃敵二十餘名第四砲射擊曾塘村西方田地內同時第六連亦跑步前進團長見敵退却復命砲兵掩護第五連之一排前進追擊同時右翼第三營方面亦向敵衝鋒前進於是敵人退出曾塘村該村復爲第六連與五連之一排所佔領至午前十一時二十分敵復增兵反攻曾塘村該村東南方田地內發現敵人數百名向曾塘村散開前進對五六兩連猛烈射擊何團長復命總預備隊之第四連增加左翼攻擊敵之右側並親率領團部人員及特務連之二分之一（其餘二分之一已在左後方A山警戒）督兵奮鬥往來衝擊敵雖頑強死傷甚重乃紛紛向上北湖退却當兩軍衝鋒惡戰苦鬥之際何團長在敵火猛烈之下從容指揮勤務兵亦已陣亡因距敵不過約數百米達也

自晨至午教導第一團以疲戰千餘之衆獨當新銳二萬餘之敵何團長竭盡智勇將士用命前仆後繼犧牲慘烈至此已苦戰半日仰視天空日僅當午右翼許旅已否到達戰地尙無消息鯉湖方面之教導第二團亦早失聯絡不知何在總預備隊已使用無餘而敵人兵力雄厚有增無已下半日之戰况正不知如何結果團長祇抱決死之心盡戰鬥之能事與敵週旋耳當此險惡之際前派出偵察王厝仔之學兵連適回團部報稱許旅已由右翼前進團長聞許旅已到右翼可無顧慮第三營初距敵僅二三百米達戰鬥異常激烈迨許旅到達遂協同由正面攻擊前進至午後零


點四十分中央之戰鬥已現沉寂惟敵見我右翼已增加生力軍中央不易進攻遂以大部猛力向我左翼包抄第二營長劉峙遂飛請派隊增加左翼斯時在團長掌握中者祇有新回之學兵連團長遂命曹連長石泉率該連增援左翼而授以作戰方略（一）該連設法繞攻敵之右翼向其側背包圍不可作正面之抵抗（二）該連須分割使用不可全連散開曹連長奉命後毅然率兵前進沉着剛勇巧爲指揮自零時三十分與敵開始戰鬥而衝鋒陷陣時而白刃相接時而繞攻側擊斬殺無算屢摧強敵頗能達到戰鬥使命無奈該連人數僅六七十名雖能在上北湖東北河岸與敵耐戰而上北湖東南方仍有敵人密集部隊向該連左翼包圍此時總預備隊早已用完所餘者惟特務連二十餘人及機關槍一架團長乃命機關槍迅速增援學兵連左翼並以特務連一班爲掩護隊令學兵無論如何都要死守陣地既而敵約百餘人已佔領上北湖東端田地又三四百人佔領河之對岸曹連長率兵二十餘名與敵對抗岌岌危矣幸機關槍已到遂與該連右翼第二營方面之機關槍交叉射擊敵乃不敢越雷池一步已午後三時三十分矣

午後一時以後左翼戰鬥之激烈達於極點在此紛戰之狀態中右翼許旅及第三營方面戰鬥亦臻激烈該營猛烈衝擊敵遂不支紛紛向和順方面潰逃敵之左翼完全奔退許旅及第三營遂跟蹤追擊同時中央第一營亦自陣地興起向和順方面前進與右翼協同出擊追奔逐北所向無前不意進至和順村落敵人總預備隊竟行反攻用稠密之散兵及機關槍猛烈掃射許旅一部




# 棉湖附近戰鬥準備要圖

三月二十二日午後七時




附圖第十

十分之一比例尺




# 圖要過經鬥戰近附湖棉

分十三時文前午日三十月二




附圖第十一

尺例比一之分千五万二




# 棉湖附近戰鬥經過要圖

二月三十日午前八時十分




附圖第十二

二萬五千分之一比例尺




# 圖要過過經鬥戰近附湖棉

時一十至時九前日三十月二



附圖第十三

尺例比一之分千五万二




# 圖要過經門戰近附湖棉

時三後午至午正日三十月二



附圖第十四

尺例比一之分千五萬二




# 棉湖附近戰鬥經過要圖

二月三十日正午至午後三時




附圖第十四

二萬五千分之一比例尺




# 圖要過經鬥戰近附湖棉

時五至時三後午日三十月二



附圖第十五

尺例比一之分千五万二



退却教導第一三兩營死傷枕藉若非左翼支持得力則全線退矣團長覩此情形中右兩方勢已動搖而敵距團部不過四五百米達且第二團之消息未知後方亦無援隊若此不守不惟全團覆沒大局從此不堪設想矣在此千鈞一髮之時於是收拾餘卒及團部所有官兵數十人行最猛烈之射擊並多插旗幟以作疑兵用鎮靜之態度下堅確之決心將與敵決一死戰振臂一呼創病皆起暗鳴叱咤風雲變色敵人驚懼徘徊瞻顧遂躊躇而不敢進我教導第二團初在鯉湖隱聞和順方面砲聲隆隆團長錢大鈞與營長劉堯宸遂決心來援鯉湖距和順不過十里可擊和順之背當敵躊躇之際午後五時二團已趕至直攻和順敵之司令部前線敵人以後方被攻恐腹背受敵遂狼狽宵遁棉湖之血戰告終是役當戰事最烈之際蔣校長與廖黨代表俄顧問加倫將軍均親赴陣地督戰校軍士氣激昂有以一當百之精神

棉湖之戰以教導第一團千餘之衆擊潰萬餘精銳之敵此役雖云苦戰犧牲甚巨而能於一朝之間將數年來背叛 總理盤據東江之逆部殲滅殆盡不負 總理倡辦本校培植黨軍之初心亦一大快事惜乎 總理已於前一日逝世不及親閱捷報也

2 校軍集中河婆 十四日校軍追擊殘敵向河婆前進遇敗軍黎生部擊走之十五日午後五時蔣校長廖黨代表召集校軍全體官兵訓話校長略云勝敵後更須自戢驕氣保護人民廖黨代表略云仲愷奉 總理命來到此地慰勞各位同志並且犒賞本軍將士此次爲革命而奮勇



的同志得到這樣的勝利這是各同志平日受本黨主義感化爲人民奮鬥的結果我們革命軍不過受了四個月的訓練而能得此成績可與黃花崗烈士媲美仲愷代表 總理很誠懇致敬諸君並祝諸君努力加倫將軍演說略云此番棉湖之役媲美歐戰可以證明諸位對於中國革命能盡極大之義務在中國歷史上有極大之價值是日廖黨代表中央執行委員會犒賞校軍發給教導一二兩團各一千圓砲兵營銀二百圓學生隊二百五十圓入伍生隊一百圓校軍部二百圓

#### 五 五華興甯之役

五華興甯爲林虎之巢穴陳逆炯明之根據地自黨軍佔領潮汕之後林虎即將全部開回以固其巢穴並以襲黨軍之後而謀復潮汕自前日棉湖和順之戰爲黨軍所敗潰兵仍向五華興甯退却林虎且親自督戰以圖固守而作背城借一之舉

1 夜襲五華 棉湖會戰及河婆戰鬥後敵紛向五華退却校長遂命大軍跟踪追擊向五

華前進十六日經羅甘壩鄉民壯丁九十餘人願隨校軍助戰校長嘉許送配各團工作並厚遇之十七日行至周江圩偵得由安流退却之敵其主力由錫坑經藍坑錫坪退向五華校長遂決心於明十八日佔領五華城命教導第一團於明晨五時由現在地出發經龍都甘峯錫坪海金沙風門高竹園西林壩道向五華城前進校本部及教導第二團於明晨六時出發跟第一團前進第七旅於明晨八時出發向五華前進並規定佔領五華時之警戒歸教導第一團担任另派隊佔領電報




# 五華城戰鬥經過要圖

三月十八日二十時



附圖第十七

二萬五千分之一比例尺



局先竊收來電檢取已發電稿切斷通興甯老隆兩頭電線並派隊佔領各公署搜查軍用物品及可作諜報之資料且佔領郵局押收并檢查郵件又命警衛軍明十八日佔領錫坑後日佔領河口佔領後向畚坑及梅縣方面攻擊前進

十八日午前五時由周江圩出發第一團爲前衛經錫坪向五華搜索前進行約百里至午後六時抵距五華城四五里之五口塘西方得知五華城內外之敵約有千人係王得慶由老隆帶來之湘軍二三百人楊秉維部四五百人及新由橫波退來之潰軍二百餘人且敵不料我行軍神速未知第一團已到尙未派警戒部隊在城外得以上之敵情後天已黑暗何團長欲使敵完全繳械遂取包圍形勢分兵圍擊斯時天已黑暗又無地圖未能預明地形前進甚感困難至夜九時始佈置完畢敵尙未知我軍已將其包圍十時有連長出巡我軍步哨獲之用爲鄉導賺開城門怒吼衝入敵營潰紛紛奪東北門而出向興甯及贛邊逃竄我軍入城大索獲王得慶部參謀長林逆虎行營參謀副官多名械彈輜重無算

2 克復興甯 五華之敵既爲教導第一團擊退由東北向興甯江西方面逃去逐漸向梅縣退却而林逆仍在興甯城中督率所部設置陣地抵抗校長遂將教導第一團留守五華命粵軍第一旅與教導第二團於十九日上午七時出發向興甯前進攻擊

是日教導第二團及粵軍第一旅陳銘樞部進薄興甯城教導第二團先將城外守卒驅逐進

而圍攻南西北三門第一旅以一團佔領興甯城外之神光山一團集結山下與敵對峙準備晚八時進擊六時許從水口方面來擾之敵奮集猝攻我南門之第二營營長劉堯宸指揮所部奮勇撲敵腿部受傷敵亦稍退校長以南門地勢不利即將該營移歸西門方面時已薄暮校軍遂在西北門外神光山一帶陣地徹夜激戰


二十日林虎因屢次失利乃調回畚坑敵之黃業興王得慶李易標等部死守興甯蔣校長遂令先破南門外之敵再行攻城深夜城破守城逆軍出東門遁走遂克興甯俘獲甚多林虎僅以身免二十一日校軍集中興甯遂舉行追悼 總理大會全軍將士異常悲憤

#### 六 校軍進駐潮梅

校軍自東征以來戰勝攻取敵膽早寒陳逆炯明早已於二月二十六日由汕尾逃往香港迨校軍克復興甯之後中央執行委員會以潮縣久爲逆軍所盤踞對於政治方面宜急整理以蘇民困於本月二十日任命蔣校長兼潮汕善後督辦二十六日蔣校長致書許總司令陳述潮梅兵力配置意見略云現在潮梅本軍足有一萬二千之數防贛邊逆軍重於防閩邊洪逆兆麟等語二十七日電蔣校長嘉獎戰功電云『興甯蔣校長勛鑒接棉湖轉來捷報欣悉吾哥哥克興甯校長指揮若定各團官兵奮勇殺敵殊堪佩慰望傳令嘉獎各官兵仍盼猛力前進肅清殘孽是爲至盼崇智沁』三十日蔣校長任命何應欽爲兼教導第一二團指揮官並因應許總司令之召特赴汕頭


# 興寧城戰鬥經過要圖

日十二月九十月三



附圖第十八

尺例比一之分千五万二




# 水口附近戰鬥經過要圖

三月二十一日午後五時



附圖第十九

二萬五千分之一比例尺



一行

四月一日蔣校長由興甯乘輪抵汕頭與許總司令俄加倫將軍籌議潮汕善後事宜三日離汕返黃埔本校五日抵校七日任命王懋功爲潮汕校本部行營主任十一日校軍由興甯駐梅縣於是第一次東征戰事遂告結束

## 第二節 黨軍成立

### 一 校軍奉命改稱黨軍

校軍自奉 總理命令東征以來攻無不克戰無不勝忠勇奮發樂爲主義犧牲卒將陳逆炯明盤踞數年之東江一旦克復雪 總理之遺恨樹立本黨之基本武力故四月十三日中央執行委員會議決以本校教導團成立黨軍並訓令云『查本會第七十七次會議廖黨代表提議請以陸軍軍官學校教導第一二兩團成立黨軍第一旅任第一團團長何應欽兼充旅長沈應時爲第二團團長全旅仍歸校長蔣中正節制調遣此令』

### 二 黨軍擴充

東征後教導第一二兩團實力增加故同時成立教導第三團四月二十一日蔣校長呈請中央執行委員會委任錢大鈞兼本團團長二十二日委任蔡熙盛爲本團中校團附沈良爲少校團附王俊爲第一營營長郭俊爲第二營營長二十四日委任文素松爲第三營營長



四月十七日蔣校長委任劉秉粹爲黨軍第一團團長二十九日委任顧祝同兼代黨軍第二團參謀長五月十八日委任王俊爲黨軍第一旅參謀長劉峙爲黨軍第一團中校團附詹忠言爲黨軍第一團第一營營長倪弼代理第一團第二營營長劉堯宸爲黨軍第二團中校團附

### 三 中央嘉獎黨軍

中央執行委員會因黨軍東征戰績卓著下令嘉獎並頒發犒賞校部卽遵照發給並下通令

校長 五月十九日  
校黨代表 于梅縣校本部行營

案奉中央執行委員會令開本軍將士東征以還迭著助績殊堪嘉許參加淡水棉湖興甯五華及各次戰役之官兵着每人賞給毫洋貳元用示中央慰勞將士之至意此令等因奉此除由各部隊具領分發外合行通令知照此令

黨軍既立殊勛而通敵之滇桂軍且恨且妬危害黨國陰謀益急於是又奉命回師廣州肅清反動

### 第二節 廣州靖難消滅楊劉

#### 一 楊劉叛變

十四年東征時統率左路滇軍之楊希閔及統率中路桂軍之劉震寰本係不明主義之軍閥初不過假追隨 總理之美名實行其反革命之陰謀當十三年 總理出師北伐之時置 總理調遣之命令於不顧盤據廣州把持財政擴充個人勢力對於黨立之本校經費按不發給使廖黨

代表受盡艱苦致本校幾瀕于停辦之絕境十四年東征校軍及右路粵軍與陳逆苦戰之際而楊劉則按兵不動袖手旁觀甚至與林逆密約唆其邀擊我軍後路當時通敵之密電均被我右翼軍搜獲其陰謀大露及見校軍卒將數逆殲滅東江肅清遂益不自安乃又與北洋軍閥勾結公然反對革命政府以謀攫取廣東全省致本黨政府感受顛危本黨爲鞏固根據地計決定討伐楊劉密令蔣校長回師靖亂

### 二 本校之戒備

楊劉既謀背叛本黨對於本校更懷嫉視故本校時有被襲擊之虞遂於五月二十一日開始戒嚴以綿密之計劃行森嚴之戒備深溝高壘晝夜防禦使楊劉二逆無隙可乘以待校長之回師

### 三 黨軍回師

1 軍事會議 本年五月十三日廖黨代表奉本黨命令來汕與校長及許總司令會商討伐楊劉之計劃遂于卽日晚七時在粵軍總司令部行營開軍事會議許總司令主席蔣校長廖黨代表滇軍師長朱培德及俄顧問加倫將軍均列席議決放棄潮梅全部回省剷除革命障礙之楊劉以鞏固革命根據地並決定以下之作戰計劃

其一 作戰大方針 將主力作戰誘導於東江方面石灘附近搜求敵之主力而擊破之並令西北兩江之軍隊

同時包圍以達完全殲滅之目的

其二 作戰指導大綱 第一期作戰以東路軍隊由潮汕方面西進將東江之敵軍擊破之至兩軍會戰正酣之際令黃埔守備軍相機出擊將其向西壓迫第二期作戰北江軍南下將新街敵軍擊破後以一部南迫廣州以主力繞至東江夾擊東江敵軍同時西江軍東進直迫省城以收包圍之效果河南之粵軍擔任地方之警備並防敵軍之南竄

其三 敵情判斷 判決(一)敵以主力抗我西進之軍乃曠日持久待後援起見當縮短防線固守廣州以東之地域概在石灘附近與我對戰若不利則退守省城東方諸高山及黃埔北方之重要防綫或再退廣州市東方之防禦工事以期曠日持久(二)敵以曠日持久之目的以待陳林二逆之反攻使我腹背受敵然後反攻以期最後之勝利(三)敵以一部阻止北江軍又以一部阻止西江軍至相當時期或再圖攻黃埔以期根本之動搖

其四 按照敵情判斷之作戰要領 (一)現我軍處外綫敵處內綫按內綫作戰之要領在各個擊破外綫作戰之要領則在協同動作迅速包圍使其顧此失彼以收殲滅之效(二)我軍須俟各方面可到達包圍之希望地時遂同時行猛烈之攻擊而以能側擊或背擊為最有利

其五 按照情況判斷之第一條黃埔軍之作戰計劃 (甲)對於敵軍佔領廣州東方一帶工事之作戰計劃(一)方針我軍以襲擊敵軍之側背使其全陣地瓦解之目的黃埔守備軍及東路黨軍(即蔣校長所統轄者)中之一部用船舶輸送至獵德登陸攻擊棲鳳崗牛欄崗一帶陣地之背後(二)情況判斷(1)以兵力而論我衆敵寡彼必自棠下向北依原有之工事據點配備節省兵力留為強大之防備隊以備出擊之用(2)以地形而論堅固工事多在鐵道北側南側則平坦無險且近珠江其沿岸應有嚴密之守備兵為援救此守備兵以易於擊退由水路輸送之軍隊與出擊

便利起見大預備隊應在鐵道以南地又應在後方聯絡線上(3)綜合上述各項敵之大預備隊應在石牌洗村附近

(乙)運輸(一)黃埔守備軍由軍校門首碼頭乘船以小兵艦掩護經黃埔墟之南停於蛋家潦河面俟海軍砲擊(二)

東路校軍乘船經軍校亦停於蛋家潦河面其他與第一項同(丙)輸送之掩護(一)其警戒方法與陸地行軍相類似

(1)在大江之掩護法(●兵艦。運輸船)

↑○○○○○○○○○  
○○○○○○○○○  
○○○○○○○○○  
○○○○○○○○○  
○○○○○○○○○  
○○○○○○○○○  
○○○○○○○○○  
○○○○○○○○○  
○  
○

(2)在小河之掩護法

○○○○○○○○○  
○○○○○○○○○  
○○○○○○○○○

(3)無大危險時可不用兵艦掩護但輸送船前方應派一二隻兵艦為之搜索並為將來掩護之用如左

○○○○○○○○○

(丁)上陸及其掩護(一)上陸掩護隊停泊于獵德對岸佔領陣地其他則在蛋家潦河面停止待命一切按照戰術上之動作做去(二)中山艦駛至海心河附近以艦首砲射擊石牌及洗村附近之守備隊是時掩護運輸之小兵艦亦當

協同動作(三)砲擊有效或敵守備隊退却時我之上陸掩護隊即時登陸在獵德村北端佔領陣地其他部隊繼續上

陸以大部向石牌攻擊前進以期擊破其預備隊並斷其聯絡線(戊)上陸後之作戰完全上陸後以重力向石牌以一

部向洗村攻擊前進以期擊破其預備隊並斷其後方聯絡線(一)主力俟海軍砲擊後即向石牌猛攻將其預備隊擊

破後即沿鐵道東進攻擊弱髻嶺翻旗山陣地之背後(二)一部俟海軍砲擊洗村後即向石牌猛攻驅逐其預備隊即

轉向北進與主力協攻牛欄崗等陣地之側面而爲主力之助攻(己)海軍與空軍之協同作戰(一)海軍當我軍攻擊敵堅固陣地時即用艦首大砲交叉射其陣地以掩護我軍之前進(1)中山艦仍在海心河附近射擊敵陣地之背後(2)飛鷹艦用小兵艦拖至東埔江面射擊敵陣地側面(二)飛機則用炸彈以行攻擊(庚)結言按照上述之方法以行攻擊敵軍腹背及側面三面均受攻擊當可壓迫之于原有聯絡線之外然後我軍可與北江軍圍而殲之敵軍主力既已消滅其他各部份當不難迎刃而解矣

回師討伐之計劃嗣爲楊劉所探悉仍將滇桂軍集中廣州以謀抵抗其危迫政府更急政府乃毅然任命蔣校長爲總指揮率黨粵兩軍尅日回省討逆允許陳逆殘部投誠准其回駐潮梅五月二十一日蔣校長率黨軍第一旅何應欽部粵軍第一旅陳銘樞部粵軍第四師(卽第七旅擴充)許濟部警衛軍吳鐵城部(由歐陽駒指揮)分爲第一二兩縱隊(黨軍與警衛軍爲第一縱隊粵軍爲第二縱隊)由潮梅討逆

#### 四 肅清楊劉

1 滇桂軍之戰備 東征之初滇桂軍卽與陳逆勾結屯兵紫金惠州一帶不進及校軍進取潮汕之際因輕視校軍之故更無作戰準備且其第三軍軍長胡思舜第二師師長廖行超各欲伸張勢力暗與政府通款不受楊劉之指揮故楊希閔屢次召集會議決定戰事計劃俱不克實行卽至黨粵軍回師彼等猶無決心及黨粵軍已經逼近乃始謀抵抗倉卒應戰遂集中主力軍隊於

廣州之東郊設重兵於龍眼洞及廣九路草草佈置以圖背城借一

2 黨粵軍之進攻 六月九日蔣校長率部抵石龍後即令黨軍進攻石灘逆軍胡思舜部

佔據車站抵抗黨軍勇往前進戰數小時敵部向增城退却黨軍即日佔領石灘是日蔣校長得報惠州之滇軍正向廣州運動增援逆軍即令粵軍第四師繞道迎擊之同時並以主力趨至龍眼洞又以一小部沿廣九路前進一則牽制廣州方面之敵一則與本校學生隊聯絡

是時政府爲一鼓殲滅計乃令北江湘軍之譚延闓部與建國第一軍朱培德部由粵漢路南下粵軍之李福林部由河南隔珠江攻廣州市及西江之粵軍抽調一部沿廣三路東進以攻廣州廖黨代表並派員密與鐵路電船工人聯絡及時乘機棄職避匿以至滇桂軍調遣運輸莫展一籌

本月十二日蔣校長率各軍進攻龍眼洞黨軍第一旅任右翼粵軍第一旅任左翼警衛軍爲總預備隊當日即將龍眼洞佔領敵復退據龍眼洞南部之高山頑抗十三日拂曉黨粵軍再施猛烈之攻擊敵退白雲山當時敵之主力仍在瘦狗嶺一帶佔據強固之陣地粵軍第一旅警衛軍勇猛衝鋒同時本校學生隊之野砲與海軍之大砲亦向廣九路及瘦狗嶺之敵攻擊張總隊長治中奉蔣校長令率第三期入伍生總隊藉炮火之掩護乘機由獵德村渡河以攻廣九路激戰數小時敵僞師長趙成樑爲我砲火轟斃敵陣動搖瘦狗嶺之敵亦被擊退黨粵軍各路齊進滇桂軍死亡枕藉殘部向廣州市潰退敵之官長多逃往沙面租界內士兵則退至廣州西方之兵工廠附近時

湘軍與建國第一軍亦至該處盡將敵人繳械號稱五六萬人之滇桂軍把持廣州兩年之久一與黨軍接觸不過二十四小時即完全解決楊劉二逆遂由沙面遁往香港其敗退增城之胡思舜部於十五日反攻至廣州市之北郊時黨軍第一二兩團均駐北校場一帶急出迎擊不過兩小時間而五千之敵即束手成擒至是滇桂軍完全消滅

#### 第四節 鞏固廣州肅清反動

##### 一 粵軍陰謀

1 鞏固廣州計劃 黨軍回師討伐楊劉之際預料陳逆殘部必乘機復據東江爲一時策略計允許洪兆麟林虎等投誠回駐潮梅當時一般廣東野心軍人魏邦平張國楨梁鴻楷莫雄等謀據廣東地盤乃利用土軍排斥客軍之口號從事反動及黨軍已回師中途魏邦平張國楨楊坤如赴汕頭見許崇智陳述擁戴之意並議定條件一由魏擔任聯絡粵籍軍官一致擁許二由張聯絡葉舉熊略洪兆麟林虎等一致擁許彼等復與香港英帝國主義者勾結（香港方面許以二百萬元助其爲亂）實行其破壞黨國爭奪私利之陰謀及楊劉平定之後蔣校長復奉命兼廣州衛戍司令黨軍之勢力亦漸擴充政府基礎益行穩固彼等愈不自安謀亂益急魏邦平胡毅生等遂密謀刺殺廖仲愷蔣介石汪精衛三人後廖黨代表果於十四年八月二十日上午九時五十分被刺於中央黨部門首政府遂指定許崇智汪精衛蔣介石三人組織特別委員會八月二十四日午

後議決二十九日緝捕廖案各犯魏邦平林直勉胡毅生張國植梁鴻楷招桂章楊錦龍梁士鋒等九月一日午後議決一關於財政問題（用委員制共同監督強制各軍解部違則武力討伐之）

二關於東江出兵問題三關於胡委員漢民遊俄問題等要案

廖案各要犯先後被捕後經特別委員會詳細審訊確知一部粵軍有謀叛政府之行動梁鴻楷張國植梁士鋒等雖已被捕餘如鄭潤琦莫雄確亦有重大嫌疑政府本即欲將其逮捕並立解散其部隊許崇智別有用心力請從緩故事袒護而鄭莫更與逃居香港之陳炯明蜷伏惠州之楊坤如互相聯絡蠢思反動至是政府忍無可忍不得不取緊急之處置九月十八日蔣校長以廣州衛戍司令官之職權決行鞏固廣州之計劃

（一）情況（1）寺背底駐第四師補充旅一營（2）粵軍憲兵營（約一連）分駐省議會應元宮許公館（3）江

（和風）李（子寬）馮（次琪）關（道）各逆住址詳另表（二）我軍以鞏固廣州市之目的擬於某日逮捕反革命諸逆及

維持廣州市治安（三）駐水勝寺之黨軍第二團第三營須嚴密監視寺背底第四師補充旅之一營如其有不軌行動

即聯合寺背底粵軍第十八旅機關槍營砲兵連解決之必要時另由第一師派兵協助（四）粵軍總部及應元宮之憲

兵由黨軍第一師派兵嚴密監視如有舉動即解決之（五）西華二巷汪公館由黨軍第一師妥為保護（六）石牌及東

山許公館附近由李同志之龍派工兵團嚴密監視並防其由石牌逃走（七）石牌寺背底一帶由第一師派定得力官

長偵察情況並與第八旅機關槍營陸營長聯絡（八）必要時即派員前往電報局檢查及監視並由交通處臨時派員



斷絕許江李馮關五逆之電話交通及東江電報(九)巡查各部隊須加厚兵力切實維持治安(十)馮李關江諸逆由第一師派兵按照另表之地點逮捕(十一)開往上海及東江各埠之船隻由政治部周主任派工人嚴密檢查許江李關馮諸人防其逃走另由黨軍司令部副官處派副官前往協同辦理(十二)自明日下午十二時起廣州市施行戒嚴無論何項軍隊非有衛戍司令部通行證不得調動通行(十三)以上情形臨時由汪先生通報各友軍(湘滇警衛福軍)知照廣州衛戍司令官蔣中正

2 蔣校長致許崇智書 許崇智無統率粵軍之能力而又故意袒護不肖軍人培植東江陳逆之殘餘勢力使粵省禍亂相循黨國屢瀕顛危以致革命力量不能團結鞏固向外發展故蔣校長爲剷除反側鞏固廣州促進革命事業計遂下最後萬不得已之決心本月二十日致書許崇智數其過誤責以大義促其幡然改悟釋去兵權許遂於當日離粵書云

汝兄總司令鈞鑒慨自 總理逝世中心失所吾黨同志各軍將士無不惟兄是賴而愚忠如弟期望之殷更不待言蓋皆以爲吾兄必能上承 總理大業下撫師旅有衆促進革命成功來蘇全民痛苦也乃還師迄今時經百日身當軍局要職百無一舉軍隊之散漫如故也餉精之艱窘倍前也其整軍實制師旅定大計劃大謀會寂無聞焉縱降而至於軍餉軍額爲革命軍之根本問題亦且未有規定一使革命健兒灰心墮氣一反 孫先生革命之主張吾兄爲軍政與財政領袖是不能辭其責者一潮汕未復以前吾兄擁有西江之地楊劉既討之後吾兄更得廣三收入近復進佔東莞以至寶安增城綜計稅收潮汕百五十萬東莞十萬廣三兩個月約計四五十萬仲愷先生籌交東征費二十三萬此

額外收入最低限度二百二十餘萬也卽不斯之計西江月可收入七十五萬至八十萬元之數加以東莞石龍一帶十餘萬共計約在八十五至九十萬元以上而吾兄之師未增且張和楊錦龍馮軼裴等部四千五百槍更就食海豐惠來一帶而其餘軍額約一萬八千七百槍卽以官兵每名二十二元統計不過四十一萬一千餘元縱再以十萬爲總部交際及一切開支最多亦不過五十一萬一千元耳僅以西江東莞之收入言月尙可餘三十五萬以上其他收入固未遑論而今環顧廣東政局爲何如耶各軍乏食鶉衣姑置緩論而吾兄部師且未開放六月之餉如許大宗款項用於何所耶謂非飽私囊圖利已豈可得乎日事聚斂將欲何爲是吾兄於財政上不能不負責任者二中央銀行是 總理于環境至艱極苦之中苦心孤詣締造而成今吾兄囊括全部稅收不給各軍而猶恐該行接濟各軍不克達到吾兄制死各軍之謀於是復思霸佔該行基本金擔保之印花稅土絲稅鹽務煤油等稅百計以圖推倒該行而謀自立銀行以圖私利是吾兄不維不克繼承 總理革命事業且思推倒 總理革命基本此吾兄不能不負責任者三廖案發生陰謀暴露而害黨叛國者均爲吾兄所部而兄不引咎自責幡然悔悟知人之不明用人之不當竟釀成此巨變慘禍豈不可痛吾知 總理有靈必痛哭於九泉也吾兄爲粵軍總領袖不時懲惠所部強捐勒租截稅包烟舉凡種種害國殃民之事無所不至而使政府範圍所轄之人民仍陷于陳洪楊劉時代之慘狀此吾兄不能不負責者四嗚呼內阻革命事業之進行外聯林劉楊熊叛逆以爲殲除革命根本之計各軍爲疑所部爲貳空談革命口是心非信用已失名譽掃地如仍放任個性施長狡謀弄小策門私智不惟害及地方而我 總理手創之基業亦且喪之于吾兄一人之手也今不惟諸軍不平氣憤填膺卽兄之所部亦欲食兄之肉以爲快若仍倒行逆施固執不化則吾兄所部已爲衣食所窘勢必譁變

而各友軍亦將難保事果至此能無痛心亦將何以對 總理在天之靈此則吾兄行爲反乎革命之常規弟所疾首痛心者也今爲兄個人計爲本黨前途計爲中國革命計且爲廣東人民計弟對兄關係之切更不能不思有以挽救之故特提出五軍成立計劃案實爲今日唯一救濟之方案不惟平均各軍之甘苦且期其從速成立向外發展而粵軍之內部隱憂粵局十餘年糾紛亦將從此解除稍蘇吾民水火之痛矣蓋自楊劉討平以後弟無日不以整理各軍速出長江以圖本黨之發展免廣東之負擔而繼 總理之事業爲吾兄忠謀也而乃吾兄延宕狐疑始則以點驗槍數爲標準繼則以餉項不足爲口實而其不願各軍整理使其無形消滅之心則如灼見肺腑矣吾黨以大計託之于兄各軍以領袖推之於兄而期望吾兄之切可謂無以復加且平時恕亮吾兄之心亦可謂體貼入微對兄之誠可以質鬼神對天地而無愧色兄何忍心如此而使 總理最信任之五萬將士必使其凍餓就斃而後已耶吾兄不爲各軍革命計亦當爲地方計亦當爲個人計誠思各軍疲弱不能出師則地方人民痛遭深熱已至於此豈能久耐而吾兄個人雖擁富資亦豈得安枕高臥乎東征大計領款不動各案通過留而不行各軍猶疑旁皇無告是皆弗克踐言吾兄信用至此已喪失淨盡矣中正血性之友忠鯁之士敬兄之篤故責兄更切極不願兄妨礙革命進行亦不願兄違反 總理之企圖更不願兄侵沒粵軍餉額高擁厚資尤不願兄截留各軍餉源接濟叛軍使吾兄革命之生命告終也兄如執迷不悟不信針砭之言則弟惟有束身辭退以謝國民如吾兄不以不才爲不忠且能反身以自省深知既往之非不惑宵小之言毅然獨斷保全名節則兄不如暫離粵境期以三月師出長江還歸坐鎮恢復令名既朗于公更浹于私如蒙贊同當可爲兄準備一切安全登艦則兄之所部弟當負責維持不負兄之初意否則兄部激變制之無方地方紛擾人民枕隍是兄不能

辭其咎也公私是非利害功過固所不計知我罪我惟兄明鑒如有一毫違心之論不忠之意皇天厚土當共殛之矜候復音不勝懸盼之至披瀝上陳更祝健康不備

## 二 編遣粵軍

1 肅清反動軍隊計劃 當時反動之粵軍逆謀早著蔣校長爲執行廣州衛戍司令之職務已於本月十八日擬定肅清反動粵軍之計劃

(一)情況 (甲)反革命派軍隊兵力及駐地(1)粵軍第三師約兵力一千五百人在東莞城附近(2)粵軍第三旅約一千五百人在石龍(3)粵軍新編團在深圳(4)粵軍第四師新編支隊在石龍(約三百槍)(乙)我軍(1)粵軍第八旅在增城正果一帶(2)粵軍第七旅在新塘(3)粵軍第四師補充旅在石灘(4)黨軍第四五兩團在虎門(二)我軍以殲滅廣九線上及東莞反革命派軍隊防止與東江逆軍聯合擾亂革命軍根據地廣州之目的擬向石龍東莞深明一帶之逆軍施以攻擊勦滅之(三)我軍各部隊任務之區分如左(1)黨軍第四五兩團歸劉團長堯宸指揮於九月十九日由虎門東莞前進乘其不意撲滅之並與七八兩旅確取聯絡(2)粵軍第七旅限於明日晚由新塘前進以主力集中石灣龍花地一帶以一部迅至菴蘭附近務於二十日早到達目的地俟第八旅到達後即同向石龍之敵攻擊前進但須酌留一部在菴蘭附近截擊由石龍向惠州博羅方面逃竄之逆軍並派一部隨鐵甲車前進受薩隊長指揮(3)粵軍第八旅由增城經陸村白石嶺黃塘鐵場菴蘭集中田寮福隆橫瀝之線務於九月二十日到達目的地即時協同第七旅向石龍之逆軍攻擊前進但須留一部在橫瀝附近截擊東莞逃竄之逆軍並向深圳方面警

戒(4)駐石灘之第四師補充旅就原地向石龍東莞方面警戒(5)第四師補充旅如有反抗情形第八旅酌派一部到仙村協同第七旅先行解決(6)鐵甲車隊務於二十日上午六時以前到達新塘協同第七旅相機佔領石龍後即協同第八旅追勦向深圳方面退却之敵(7)黨軍第四五兩團肅清東莞後即集中東莞相機策應第七八兩旅解決石龍之逆軍(8)肅清石龍後第七旅即集中石龍橫瀝一帶待命第八旅即沿廣九線向深圳前進肅清粵軍新編團餘孽(9)各部隊發動時動作聯絡務須迅速確實(四)各部隊衛生隊跟隨各部前進(五)各部隊給養自行準備(六)各部隊記號口號另行規定(七)動作時余在黃埔軍校廣州衛戍司令官蔣中正

## 2 圍攻反動軍隊 本月十九日軍事委員會令蔣校長(廣州衛戍司令名義)處理東莞增城寶安一帶軍隊蔣校長即發表命令

(一)學生第二大隊開往虎門歸陳司令(虎門要塞司令陳肇英)指揮(二)江大艦開往虎門歸劉團長(堯宸)指揮均限本早四時到達(三)接珠村電話使與新塘石灘通(四)珠村車坡車站自十五時起應檢查有無要人(第四師參謀長蔣百誠及二許)往石龍(五)自十七時起應截斷省城通新塘石灘之電(六)第五團第六連移駐長洲(七)省城電報局及無綫電局須於十八時起着手檢查凡總司令部所發電一律扣留(八)廣九車站須於本晚派隊駐守自明日起不准開車但鐵甲車可開行(鐵甲車明晨四五時由省開至石龍即與聯絡通過)

## 3 編遣與善後 九月二十日軍事委員會令蔣校長(粵軍總司令部參謀長名義)辦理粵軍總司令部收束事宜翌日蔣校長令學生第二大隊在虎門太平第一軍第四五團在東莞包

圍鄭潤琦（粵軍第二師師長鄭潤琦與莫雄勾通梁鴻楷謀叛國民政府）部十時繳其械第四師陸（海泉）譚（曙卿）魏（麗黃）三旅攻石龍莫雄（粵軍第三旅旅長）部小戰逾時當晚九時繳械本月二十二日蔣校長任命譚曙卿兼第一軍第三師師長及第七團（第七旅改）團長陸瑞榮爲副師長兼第八團（第八旅之十六團改）團長衛立煌爲第九團（補充旅改）團長補充團（張我東團改）歸陸副師長節制指揮王俊爲本校入伍生隊第一團團長令第九團集中石灘第八團集中石牌第七團集中新塘改編（改編畢補充團開深圳寶安駐紮）

反動粵軍既經繳械改編軍權漸趨統一政府又爲整理財政計免財政廳長李鴻基軍需局長周道成職因彼等侵蝕國帑接濟叛軍並將其拘留黃埔

中央執行委員兼外交部長胡漢民因乃弟胡毅生爲廖案之要犯復有勾結叛軍之行動爲避免嫌疑遂於本月十九日來埔暫住至二十一日下午乘輪赴俄攷察政治

至是軍事政治均趨一致廣州形勢益爲鞏固惟東江一帶仍爲陳逆殘部所竊據政府爲謀統一全省乃決計擴充黨軍準備第二次東征

#### 第五節 黨軍改稱國民革命軍

第一次東征出發之時校軍僅有兩團及潮汕底定東江克復校軍奉命改稱黨軍蔣校長爲黨軍司令旋黨軍成立第三團至楊劉肅清之後黨軍奉命擴充成師以何應欽爲第一師師長又

陸續成第四第五兩團及砲兵憲兵兩營（砲兵營編爲三連官長由砲科學生遴選教育計劃由砲兵顧問季諾夫訂定）八月二十五日黨軍奉命改稱國民革命軍黨軍第一師第一二二團改爲國民革命軍第一師第一二三團（何應欽爲第一師師長劉秉粹爲第一師參謀長劉峙爲第一團團長沈應時爲第二團團長錢大鈞爲第三團團長）黨軍第四五團改爲國民革命軍第二師之第四五兩團（王懋功爲第二師師長張治中爲第二師參謀長劉堯宸爲四團團長蔣鼎文爲第五團團長）編爲國民革命軍第一軍黨軍砲兵營改爲國民革命軍第一師砲兵營黨軍憲兵營改爲國民革命軍第一師憲兵營八月二十日軍事委員會特任蔣校長爲國民革命軍第一軍軍長九月十四日軍事委員會特任汪兆銘爲國民革命軍各軍及黨立軍校黨代表本月十九日蔣校長呈請軍事委員會任命周恩來爲第一軍政治部主任又二十八日中央執行委員會任命周恩來爲國民革命軍第一軍第一師黨代表賀衷寒爲第一軍第一師第一團黨代表金佛莊爲第一軍第一師第二團黨代表包惠僧爲第一軍第一師第三團黨代表徐堅爲第一軍第二師第四團黨代表嚴鳳儀爲第一軍第二師第五團黨代表蔣先雲爲第一軍第三師第七團黨代表張際春爲第一軍第三師第八團黨代表王逸常爲第一軍第三師第九團黨代表於是中央軍事政治大定遂準備第二次東征

第六節 第二次東征

## 一 第二次東征部隊之編組

1 第二次東征之原因 十四年九月二十八日軍事委員會任命蔣校長爲東征軍總指揮統率國民革命第一二三四軍及贛鄂豫各小部再舉東征先是黨軍回師肅清楊劉之際爲一時之策略許陳逆殘部洪林劉熊等投誠回駐潮梅陳逆等不但不能力圖自新以贖舊惡乃甘爲帝國主義者之走狗乘我封鎖香港以全力對外之際復於九月一日據潮縣以叛我留守該處之粵軍不能抵禦撤回淡水陳逆等節節西逼進佔潮梅普惠海陸豐各縣蹂躪東江人民較昔尤甚同時勾結北路之熊克武由北江進至廣州一帶向廣州進攻及南路之鄧本殷由西南進至陽春恩平亦向廣州進攻造成環攻之形勢政府爲消滅各路叛逆統一廣州計遂命蔣校長率師征討之

2 國民革命軍之現勢 政府自改編反動粵軍之後即謀統一軍政以肅清陳逆之餘孽編組國民革命軍以黨軍改爲第一軍蔣校長任軍長湘軍改爲第二軍譚延闓任軍長建國第一軍改爲第三軍朱培德任軍長粵軍改爲第四軍李濟琛任軍長建國粵軍第三軍改爲第五軍李福林任軍長以上各軍直屬於國民政府軍事委員會

3 東征軍作戰方略 第二次東征作戰方略其兵力之使用規定如左

(一)以第一軍之第一師第二師(欠五六兩團)第三師第四軍之第十一師第十二師之第三十四團張獨立旅



雲獨立團及警衛軍攻鄂軍豫軍鄂軍潮汕留守部隊贛軍潮梅軍等共槍二萬三千餘枝砲十餘門機關槍數十挺飛機三架鐵甲車一隊編組爲東征軍使當肅清東江之重任（其編制詳東征軍戰鬥序列）

（二）以第二軍主力集中韶關監視北路湘贛兩省之中立另派一部於翁源擔任連平新豐方面之警戒

（三）以第四軍之陳梁（欠三十四團）兩師之主力駐江門向鄧逆本股方面警戒以一部駐肇慶警備之

（四）第五軍所部暫駐原防擔任各江河道警備及土匪之征剿

（五）以第二師（缺第四團）警衛軍之一團（缺一營）及黨立軍官學校學生入伍生約三千人砲二尊機關

槍二挺湘軍講武堂學生六百人第三軍軍官學校學生攻鄂軍講武堂學生擔任拱衛廣州之責衛戍勤務之分配另定之

（六）以第三軍主力約二千五百名爲各路總預備隊分駐廣三線遙衛省城其餘仍駐原地任地方之守備

（七）川軍仍駐原地整頓待命

4 敵軍形勢 敵軍以林虎劉志陸李易標三部爲主力軍其前進路據各方情報可判斷

經河源博羅而出石灘其失敗退却路則由河源龍川興甯而入江西洪兆麟謝文炳兩部之前進路據報已由海豐入平山其失敗退却路定由海豐揭揚潮安饒平大城而入閩南

5 東征軍作戰計劃 我軍爲達作戰目的消滅東江之敵起見將東征作戰計劃分爲兩

大作戰區如下

(一)沿東江右岸東逾紫金岐嶺以達興甯梅縣大埔間以北地區爲第一縱隊作戰地區但作戰初期第一縱隊須擔任攻惠之責因爲第一縱隊爲我攻敵之主方軍使擔任此地區之作戰地區寬廣容易截斷其北遁之去路使敵不得不麇集海岸方面與洪謝混雜而至於無法集隊也

(二)沿東江左岸以南地區綿延東向經海陸豐揭揚潮汕饒平而至閩邊之地區爲第二縱隊作戰之地區但不擔任取惠城之責專事該方面作戰直搗潮汕

(三)行軍路線 兩作戰地區欲爲作戰上便利分配三路綫如左

(1)北路 龍門 立溪 錫場 和平 羅崗

(2)中路 博羅 河源 老隆 興甯 梅縣 大埔

(3)南路 淡水 海豐 揭揚 潮州

6 東征軍集中命令 蔣總指揮汪黨代表於九月三十日午前九時自八旗會館總指揮部發表命令如左

(一)梅潮殘逆近得各方接濟謀燃死灰確有分途進犯之企圖其詳情經飭第一軍部另紙通報

(二)我軍爲鞏固革命策源地起見擬於最短期間肅清潮梅之敵

(三)各部隊分期出發集中地點如左表之規定

### 東征軍軍隊區分與集中地點表

區分			總指揮蔣中正								總參謀胡謙		
部隊號			第一縱隊 何			第二縱隊 李濟			第三縱隊 程潛				
	第七團及第一補充團	第八團	第九團	第二師之第四團	第一師	警衛軍	鄂軍	第十一師第一獨立旅第一獨立團	潮梅留守部隊馮余張等部	攻鄂軍	豫軍	贛軍	潮梅軍
出發地點	新塘	市背底	石灘	東莞	省城	省城	省城	省城	潮汕	省城	省城	省城	河源
經過路綫	新塘—石灘—增城	火車至石灘—增城	石灘—增城—正果	東莞—石龍—茶山	火車至石龍—鐵場	火車至石灘	火車	火車		火車	火車	火車至石灘—增城	
出發月日	十月一日	十月一日	十月一日	十月一日	十月四日	十月五日	十月四日	十月四日		十月七日	十月八日	十月六日	
集中地	增城	增城	正果	茶山	鐵場	石灘	石龍	常平	淡水	石灘	石龍	增城	河源
到達月日	十月一日	十月一日	十月一日	十月一日	十月四日	十月五日	十月四日	十月四日	十月十二日	十月七日	十月八日	十月六日	十月十日

(四)各縱隊所屬各部隊之後方聯絡綫由各縱隊長籌設之

(五)各部隊出發後達到時日均應報告

(六)戰鬪序列及此次作戰總計劃俟另文頒發

(七)余在廣州各部隊集中後在石龍

## 二 惠州之役

1 惠州之險要 惠州後枕東江前臨西湖三面環水城高而堅形勢雄壯夙稱天險爲西南第一堅城自唐代迄今一千餘年歷經軍事從未失守該城縣誌寫惠州之形勢有云「鉄練鎖孤舟飛鷁水上浮任憑天下亂此地永無憂」由此可知惠州之險要故惠城爲東江要塞軍事在所必爭楊逆坤如憑藉險阻復加以種種副防禦頗有一夫當關萬夫莫開之勢我軍欲平定東江必先有事於惠惠下則藩籬撤而破竹之勢成東征之奏績難易全視此城之得失爲樞紐也故當出發之日蔣總指揮曾於石龍車中親致楊坤如一電勸其輸誠政府許以自新庶免兵戎相見殃及民衆詎楊逆昧於大義不明順逆怙惡不悛竟置不答恃險頑抗阻我義師遂不得不張撻伐矣

2 逆軍情況 此時逆軍楊坤如部約二千餘人在惠州府縣兩城固守待援李易標陳修爵部約二千餘人亦於十月三日在老隆集中其先頭部隊已達到河源附近黃任寰練演雄等部約三千人亦於九月二十九日在紫金集中其先頭部隊已達到藍塘附近洪兆麟李雲復部約二千人 千人在平山附近謝文炳部約二千人在梅壠附近向我前進

3 攻城計劃 蔣校長自兼攻城指揮官命何縱隊長應欽準備攻城佈署十月九日午前十時蔣總指揮頒布攻城計劃於各部其概要如左

1 攻城部隊任務之區分

(一)第四團担任惠州府城北門西門之攻城並任野砲連之掩護

(二)第三師先行佔領上下馬莊飛鵝嶺担任攻破惠州府城南門及惠陽城

(三)野砲兵應在梅湖與下角之間地區佔領陣地

2 第一縱隊其餘各部在博羅策應并準備敵由水北竄出時之兜截

3 第二縱隊對於平山增援惠城之敵相機迎擊并策應我攻城部隊

4 攻城材料由副官處準備分配

5 砲火集中如左

(一)野砲連之火力集中於府城北門城內之敵第四團應準備爬城隊以待砲火奏效立即衝進城脚勇敢登城

(二)山砲之火力應集中於南門城內之敵第三師應準備登城隊以待砲火奏效後立即衝進城脚勇敢登城

6 登城隊攜帶武器宜多配合攜帶短槍及手榴彈之兵

7 登城獎金

(一)首先登城者獎一百元

(二)其餘獎二十元但在敵火下登城者不得請獎

8 飛機隊應準備多量炸彈協同炮兵攻城

9 參加攻城之炮兵概歸炮兵營長蔡忠笏指揮

10 第一師工兵隊準備材料協助攻城

11 第四團通信隊應迅速構成交通網

12 攻城指揮官本總指揮兼任之

十月九日何縱隊長接得蔣總指揮攻城計劃後在博羅城內給與各部隊命令其要旨如左

(一)本縱隊以攻取惠城及迎擊河源紫金方面敵人爲目的擬分爲野戰軍及攻城軍其編組如左

野戰軍 第一師(欠工兵隊砲兵營)獨立第一師第九團鄂軍

攻城軍 第三師(欠第九團)第四團第一師工兵隊及砲兵營第一軍野砲兵連

(二)各部隊應取之行動如左

第一師務於明(十)日集中响水附近待命

獨立第一師仍在博羅待命務極力偵察七女湖派尾惠州方面之敵情

第九團到响水後於明(十)日進駐栢塘對派尾黃麻坡公莊一帶嚴密警戒並與第一師確實聯絡

鄂軍在湖鎮附近集中待命

第三師(欠第九團)及第四團在現駐地準備攻城事宜務須極力偵察惠州城內外之敵情地形第四團應派員到鴨仔步與第二縱隊聯絡

本月十一日蔣總指揮進駐博羅給與何縱隊長命令及攻城方略如下

(1)命令 十月十一日  
于博羅總指揮部

爲令遵事照得楊逆坤如負嵎惠州禍國殃民久稽天討本軍俯順輿情前經出師直搗巢穴迨潮梅底定該逆奴顏婢膝到汕投誠我政府格外施恩業經准予歸順原冀其洗心革面努力合作藉蓋前愆不料該逆怙惡不悛近又伺隙復叛若不亟予殲滅何以出惠民於水火而登衽席之安除攻城要領另文飭送外爲此令仰該縱隊長迅卽遵照轉飭第三師各團各選士兵一百五十名第二師第四團挑選士兵二百名共六百五十名編成攻城先鋒隊所有先鋒隊隊員每名犒賞三十元再先登城者得頭等獎洋一百元此項賞金卽發由各團團長存放俟登城後給領如有報名後臨時故避不往卽將賞金扣發並應嚴懲不貸以昭賞罰而資激勸再此次給賞係求攻城速効起見嗣後不得援以爲例並仰轉飭知照此令

(2)攻城要領

(甲)攻城隊(卽先鋒隊)之選出

(一)第三師第七八兩團及第一補充團各團一百五十名共四百五十名分三隊

(二)第二師之第四團二百名分二隊

(乙)先鋒隊分爲五隊其編組如下

(一)第四團選出者爲第一二隊

(二)第七團選出者爲第三隊

(三)第八團選出者爲第四隊

(四)第一補充團選出者爲第五隊

(五)第一二兩隊每隊編爲五小隊每一小隊士兵二十名其餘各隊亦編爲五小隊每小隊士兵三十名

(六)每小隊以五人爲一班每班攜帶竹梯一個

(七)每班以長短槍或手機關槍兵手榴彈兵勻配編成

(八)每隊設臨時隊長一員每小隊設臨時小隊長一員每班臨時指定班長一人

(3)攻城時之指揮及其動作

(子)各隊長任各隊攻城實施之指揮其責任如下

(一)集中先鋒隊編成小隊及班並編造名冊三份一份存團部一份呈師長一份呈總指揮部

(二)領取竹梯分配各班教以攜帶前進各方法

(三)預先偵察前進路及途中可利用之地物以是佈署登城及衝鋒之根據

(四)攻城時限之前各隊長應即集合先鋒隊於預定之地位使各小隊就準備前進之位置遵照時刻衝鋒前進



(五)各隊長對於所擔任前進路地帶之湖水河流宜於十一日晚多派知水士兵偵察各地水之深淺並將偵察情形詳細報告

(六)各班登城以短槍手機關槍兵及攜帶有手榴彈者充當其餘繼續前進當先之第一名不攜竹梯攜竹梯者應派第二名任之

(七)各隊長應隨同各小隊前進並明示各部下之職責

(丑)各小隊長應協助隊長編成相當之班數分配竹梯如梯不足或損壞時應即新造或修理之指揮各班俟就進攻地位並偵察湖水河流之深淺分配各班示以前進路維持各班靜肅前進並任登城後射擊之指揮為進攻之領導

(寅)各班長之責任

(一)領取竹梯或修理製造

(二)偵察前進路附近湖水河流之深淺但須於夜間行之

(三)領導全班士兵按照規定勇敢前進

(四)督率士兵實行各分配之工作

(4)各士兵登城應遵照小隊長指定之先後行之其要領如下

(一)各班之士兵到達城脚以二人或三人豎立竹梯其餘二人或三人應即向城上放槍

(二)竹梯豎立後第一名應即登城到達城上如敵不退應相機擲手榴彈或射擊將敵擊退如敵已退應向敵方爲示威射擊待全班到齊即衝鋒前進

(三)如第一名受阻礙時第二三名猛烈前進

(四)第一二三名登梯時第四五名之士兵應對城上之敵射擊掩護友軍登城

(五)竹梯上能同時站立之人數應預先試驗登城時即將試驗之人數繼續行之

(六)如有臨陣退縮者槍決

(5)砲兵目標

(一)城內公園敵人之砲兵陣地

(二)電燈局

(三)敵之司令部

(四)東門橋

(五)北門城上之敵人兵棚

(六)北門

(七)南門及城之東南角

(八)西門

(6) 各先鋒隊準備完畢時即用電話報告總指揮部

(7) 總指揮明(十二)日上午十時前到達砲兵陣地

(8) 林振雄部爲縣城攻城隊任攻克惠陽城之責

(9) 各團長將所部同時爲跟隨先鋒隊前進之部署機關槍則配置於要點先鋒隊前進時向城上之敵猛烈掃射掩護其前進各營步兵則同在各先鋒隊之後繼續

(10) 先鋒隊登城後以一部射擊以一部開城門

(11) 實施總攻擊時以黨旗左右搖動各砲齊响爲記號(由本部臨時派員任黨旗之搖動)

(12) 各機關槍爲實施掩護先鋒隊之前進應預先選定陣地

4 攻克惠州 先鋒隊既已選出營連黨代表耿澤生譚鹿鳴徐廷魁曾擴情張忠熙彭繼

儒金鳴章但德芳車鳴驤周玉冠劉銘劉騫黃仲翔陳作雲葉振南王嵩周德保等俱分任先鋒隊  
長十月十三日上午九時三十分野砲在大中堂佔領陣地射擊北門城全部我團部山砲亦同時  
施放第一師山砲兵一連在下角勘附近射擊北門城樓敵之司令部又一連在下角村南方高地  
射擊敵之砲兵歸陳營長誠指揮第一師山砲兵二連在花園水東側方高地射擊南門城之敵第  
三師山砲兵在花園水北方高地射擊西南門之敵歸蔡營長忠笏指揮本日午後二時何縱隊長  
在下角塔見我砲火呈極大之威力北門城樓及其城堞崩塌甚多城樓兩側之側防機關亦多被



第一旅團 第一連隊 第一班  
在西藏之東洋軍




攻克惠州後之忠骸



第一野軍兵在惠州北門外大中央堂地射擊情形



第一野軍兵砲擊惠州北門外城後進軍本助



毀壞我第四團步兵陸續通過北門橋由橋下徒涉向城逼近者亦頗不少同時第三師亦冒敵火衝過飛鵝嶺山麓隘路猛攻西門是時雙方步槍聲機關槍聲野砲山砲聲四面雜作如波濤之怒吼如風雨之暴至我飛機亦頻在城上空際翱翔散放宣傳物品紛紛如蝴蝶飛舞我砲兵則同時改換目標向城內猛射同時我第四團步兵將次逼近城脚惟敵方火力甚爲劇烈我扛竹梯之勇士雖達城脚已死傷過半無從登城午後五時十分得第四團劉團長報告謂我軍逼近西門被該處側防機關向我猛烈射擊我軍死傷枕藉以致停頓何縱隊長接得此報告即給劉團長命令云「現在天將傍晚野砲子彈所存無多若不此時登城將無登城之機會矣」劉團長得令後復奮勇驅兵前進躬挾竹梯大呼殺敵與敢死隊疾馳已抵城下敵以機關槍掃射劉團長身被數彈血花飛舞猶大呼登城壯烈之氣風雲變色劉團長終因傷重陣亡敢死隊仍前仆後繼逼城猛攻以致官兵死傷過半卒以敵火太猛不能前進何縱隊長得劉團長陣亡報告即令第四團團附李賡濩代理團長指揮部隊繼續攻城本晚城內敵人在界於西北門外燃火照耀並左右混射以防我軍黑暗爬城

十四日午前六時何縱隊長以李賡濩代理團長以來未能達到任務仍調回團附原職改以該團第三營營長惠東昇代理團長並面諭惠代團長極力整頓隊伍調回北門準備攻城並將第三師八團由西門調至北門協力攻擊由夜達旦敵仍不絕以火藥罐石灰瓶等向城下拋擲復時

以步槍向城外射擊及十四日傍午始稍沉寂午后二時我軍復施總攻擊蔣總指揮親蒞飛鵝嶺砲兵陣地指揮砲兵射擊砲皆命中何縱隊長亦在北門前線督隊環攻是時野砲山砲機關槍步槍密似爆竹聲如鼎沸紛向選定目標注射城垣城堞及各側防機關被我破壞者舉目皆是惟敵之側防機關槍極爲隱約我砲兵不易瞄準陳營長卽調山砲一連進佔北門外約距城樓五百米達處房屋爲陣地擊其側防機關槍第一彈卽命中之我步兵乘敵機關槍毀壞時移竹梯至城根是時何縱隊長給與四八兩團團長命令謂『現在時機甚佳士氣正盛應迅速突進勿稍遲疑』官兵遂猛勇衝鋒緣梯登城者蜂擁蟻赴前仆後繼惟聞手機關槍駁殼槍手榴彈等聲同時並發殺聲震天戰雲被日敵遂紛紛驚潰午後三時五十分我第四團健兒鼓勇先登第八團亦爭先恐後何縱隊長乘時率總預備隊湧進砲兵亦行追擊射擊於是青天白日之旗遂於四時十五分迎風招展于惠州城上千餘年不破之南方第一堅城終爲於四十小時內攻破何縱隊長令總預備隊分向沿途街巷搜索楊逆坤如率其殘部向水東門惠陽城方面遁去何縱隊長分配各部宿營及警戒區域並派出巡查隊向各街道巡查部署已畢遂迎蔣總指揮進城市民環觀如堵歡聲雷動民久憔悴於虐政者至是始如解倒懸焉從此東江敵藩盡撤隘要旣失破竹之勢已成長驅直進潮梅更無阻礙矣惟蔣總指揮以惠州旣下東江可不戰而定鑒於過去軍人恃功驕縱之惡習遂電呈中央執行委員會請解除軍職以樹軍人之楷模中央對蔣總指揮謙抑之懷深爲嘉許但以

餘孽未盡革命未成迄未允許國民政府並頒獎勵攻克惠州城將士令及優卹劉團長令茲分錄於后

(一) 蔣總指揮發表解除軍職通電

廣州國民黨中央執行委員會鈞鑒各省國民黨區黨部上海北京漢口各報館各團體鈞鑒三年負嶠古稱不破陳逆自恃爲天險老巢之惠州城已於本月十四日爲革命軍一鼓盪平昔日陳逆自以爲日月懷胎應登帝位之迷夢或可從此打破以開其悔悟自新之路而我革命前途日放光明不復有野心如陳逆者瞻敢障礙我三民主義之進行此可斷言也竊中正去年奉 先總理命創辦軍官學校廣植革命種子爲改造國家根本之圖原爲中正之素志故拜受而不辭然而初未有練兵領軍之意以惠城未克東江人民之痛苦無法解除中國獨立之目的幾乎絕望是乃 先總理畢生之遺恨亦爲中正夢寐不能忘者而叛逆未滅黨紀不立尤爲黨員終身恥辱故于本年六月勉就黨軍司令職期平叛逆而維黨綱今幸賴我 先總理在天之靈並汪主席與政府諸公之威德及全體同志之努力各將士之奮勇用命三年黨恥雪於一旦國民革命之基礎於是大定而以後革命全恃民衆勢力決非全仗武力之可以完成且於今益徵主義戰勝之可信也中正特于本日電呈國民政府辭去國民革命軍第一軍軍長之職惟奉命東征職責未了于此期間仍願權任總指揮不敢遽而卸責以全始終中正自問在軍中實爲 先總理唯一之信徒並欲打破一切惡劣勢力掃除因循習慣建設我中國爲一平等自由完全獨立之國家此志之切不敢讓人故欲始終努力於革命事業接受 先總理之遺囑自應本我素志專心力學訓練黨員養成革命幹部人才以爲救國保種之用此外實無他道以



中正今日思想與環境固不患啓軍閥之惡端然兵力擴張事權增大實有造成新式軍閥之可能故中正惴惴自懼願終身勉爲我 先總理之信徒而無負所托其必卸去軍權方得造成打破軍閥之勢力使中國軍閥完全消滅再無發生之餘地蓋必先不任軍職乃可盡嚴密監督革命軍人之責以杜軍閥之發生否則身兼軍職力破軍閥適足養成其本身日蹈軍閥之覆轍而不自知此中正之所以力辭軍職而期成爲忠實革命黨員改變舊日軍人風尚以樹革命之基礎非敢爲得一自足高蹈自鳴之舊習所囿也除另文呈請政府准免第一軍軍長之職責外謹此電達蔣中正叩篠

### (二) 國民政府獎勵攻克惠州城將士令

民國十二年來逆賊陳炯明抗命東江其鷹犬楊坤如憑藉惠城負嵎怙惡諸軍奉命征討師久無功逆賊益得自恣以致數年以內人民備受荼毒國民革命之進行因以阻梗茲者東征軍總指揮蔣中正受命東征督率將士立破堅城盡除梟逆雪兆民之憤振志士之氣統一前途已呈曙光該總指揮忠勇激發成此偉功至深嘉尙茲據呈請獎勵有功將士前來東征第一縱隊長國民革命軍第一軍第一師師長何應欽勞苦功高指揮有方第三師代師長譚曙卿副師長兼第八團團長陸瑞榮身先士卒摧堅破敵誠不愧忠勇軍人之模範民國之干城已交軍事委員會從優議獎以昭激勸其餘有功將士着該總指揮次第查明呈報候令行賞以彰勞績此令十月十八日

### (三) 國民政府優卹劉團長令

國民革命軍第一軍第三師第四團團長劉堯秉性忠貞夙嫻韜略前任陸軍軍官學校教官日以大義勗勉諸生今春東江戰役義勇奮發力戰受傷迨受今職尤能以革命精神陶冶部屬此次攻惠之役該團官兵奮勇特著足徵

該故團長平日之訓練有方臨戰復身先士卒冒險衝鋒竟於攻城之際中彈殞命追懷良將痛惜殊深茲據蔣總指揮中正電請給卹前來劉堯宸着追贈陸軍中將特給一次卹金五千元由財政部迅予籌給以彰功烈而慰英魂其餘應得卹典應由軍事委員會查例妥議具覆核辦此令十月十八日

### 三 收復潮梅

1 華陽之役 蔣總指揮以惠州克復楊逆潰不成軍原定之作戰計劃不能不略與變更本月十五日在惠州頒東征軍向潮梅前進計劃以第一縱隊出海豐第二縱隊出三多祝紫金第三縱隊出河源限各縱隊於二十二日以前佔領海豐高潭紫金河源之線二十六日以前佔領河田河婆老隆之線十一月三日以前第一二兩縱隊佔領潮汕第三縱隊出五華興甯向梅縣大埔追擊

蔣總指揮于二十日進駐平山綜合各方諜報判斷敵情知敵方之主力林虎所部活動于紫金藍塘方面遂決心增厚第二縱隊作戰地區之兵力檄調第一縱隊之第三師及抽第一師之機關槍山砲各一連由赤石向三多祝埔心轉進當時第一師獨立作戰于二十二日克海豐進擊公坪圩第二縱隊于二十一日驅逐新庵墟之敵蔣總指揮以中路爲敵之主力所在仍由埔心進龍窩躬親督戰李縱隊長以南路事急商決以第四軍班師回援蔣總指揮遂自率張獨立旅及雲周兩團向河源前進留十一師在紫金待命時我第一師已進佔河婆第三縱隊之主力亦出河源達

到老隆

是時林逆主力集中華陽我第三師（原係莫雄舊部改編素少訓練）不審虛實貿然前進卒與敵遇遂演成遭遇戰敵軍兵力超我四倍力戰過午敵以大部向我左右包圍敵衆我寡遂陷於苦戰中蔣總指揮得報馳赴華陽親蒞戰線激勵官兵猛烈反攻敵始稍却卒以敵我衆寡懸殊復以預備隊向我衝上第一補充團團長周保生奮戰陣亡官兵亦死傷甚多又無增援敵兵合圍益衆苦戰至午后三時乃轉換陣地時譚師長曙卿在羊高及敢死隊百餘人扼要以守敵聞蔣總指揮在焉遂不敢進蔣總指揮乃檄調第十一師及左翼隊增援華陽收容第三師於羊高整頓此役我戰雖苦敵亦胆寒

2 河婆之役 我第一師於二十五日佔領河田後照原定之計劃應派一部至琴口遮斷敵之退路並令暫與第三師聯絡不料爲洪逆殘部所牽制不能實行當第一師進佔河田時洪逆殘部尙據鯉湖迨二十八日得第三師華陽失利之情報何縱隊長奉蔣總指揮之意圖留第一團守河婆自率二三兩團向羅經壩威脅華陽不期遇敵于橫岡以少擊衆斃敵不可勝計同時洪逆兆麟率其驍悍向河婆反攻我第一團堅忍拒敵亦大敗之林逆主力既敗於橫岡退走安流雙頭時我第一軍已出塘湖第三師已出梅林左翼隊到達安流雙頭橫流渡附近敵處包圍之中豕突狼奔無能爲役橫流渡繳獲敵槍達六千餘枝乘間向湯坑逃竄者殘鱗敗甲不過三千人耳此役

我第一師不但擊敗洪兆麟部于河婆復戰勝林逆之主力於橫岡以救第三師華陽之困至是敵軍殘部聞風奔潰毫無抵抗力矣

3 潮梅之收復 我第三縱隊於十月二十三日攻克河源之後以一部警戒藍湖主力沿

東江南岸向藍口墟挺進詎藍湖爲敵之大部所在我以脆弱遇之爲敵所挫遂陷河源時程縱隊長本其任務以堅確之決心向老隆前進二十五日到達藍口敵已遮斷我後方連絡此時決放棄河源仍照原定計劃前進卒於二十八日佔領五華三十一日克復興甯遂使我軍中路之作戰亦收進展順利之效果及敵軍自河婆敗走與橫流渡繳械後已潰不成軍我第一縱隊由普甯揭陽進擊十一月四日進克潮汕第二縱隊向湯坑圍隍高坡進擊七日進抵饒平時第三縱隊亦已肅清梅縣大埔之敵蔣總指揮遂於六日進抵汕頭因殘逆紛竄閩境遂計劃乘勝入閩掃除餘逆俾絕根株編第三縱隊及馮指揮軼裴各部爲左翼追擊隊程縱隊長任指揮本追擊計劃於本月十四日進攻永定俘獲甚多劉逆志陸僅以身免時閩軍一三兩師遣使與我軍約願悉繳敵械請毋入閩我軍以苦戰匝月亦不願有事鄰境遂撤永定之師頒東征軍休養整頓之命東征告成期僅一月奏功之速向所未有此固由于指揮統一將士用命然東江民衆痛恨陳逆與革命軍合作予軍事上莫大之助力亦與有功焉得民者昌失民者亡其斯之謂歟

國民政府獎勵令（十月四日頒）

據東征軍總指揮蔣中正十月三十一日捷報稱東征軍各部隊於二十九三十等日圍繳逆敵於橫流渡羅甘壩等處俘獲敵衆四千餘人繳獲步槍四千餘枝大砲四門機關槍十餘挺等語經此一役潮梅餘孽肅清可期該總指揮智勇兼備調度有方實深嘉慰諸同志或奮勇破敵或力戰傷亡勞苦功高着該總指揮分別查明具報從優獎卹此令

#### 四 蔣總指揮軍政改革計劃案

蔣總指揮以東江既告收復關於今後軍政實有改進必要故於十二月十五日向軍事委員會建議改革計劃案

軍事委員會鈞鑒中正受命東征賴將士一心人民贊助及鈞會指示得照預定目標於一個月內到達潮汕其竄入閩邊之殘敵亦正秉承政府訓令誓於最短期內盪滅之同時南路方面亦迭有捷報肅清瓊崖指日可待統一廣東以鞏固革命根據地之目的今日定可實現矣然此仍爲國民革命之第一步也廣東既定全國人士之期望於政府者愈殷北伐實行我革命軍所需要之戰鬥力亦愈大勝利不可以倖致北洋軍閥固有必敗之道然其軍隊之抵抗力量實非陳林洪鄧諸部所能比擬我必於軍政之統一軍事之訓練軍實之準備切實注意盡革前弊積極刷新而後能完成國民革命之使命也謹以一得之愚條陳興革意見於左惟希採擇議決施行

##### 1 軍長職銜應即撤廢

中正前辭軍長以求軍不能成閹猶就個人之志願言也論平時軍制應以師爲單位而軍與軍長本非平時設置之制僅於戰時臨時增設以便指揮作戰今廣東統一之局將成國民革命軍作戰之任務已告一段落軍長之職不廢

積久或有尾大不掉之弊卽事實不致於此而形式亦難免割据軍權之嫌此非獨中正自身不願尤不願我親愛之同志爲之也今宜將軍長概行裁撤各師均直接受軍事委員會節制統率此本軍政統一之常經而廣東現有各師向有省界等名稱雖形式早已廢除而實際上之統一尤非此不可現任各軍長多爲軍事委員會委員其非委員者則可由政府決議增委統籌全局展布益宏尤我同志所樂聞也如北伐實行則彼時自可再行增設軍長此時裁撤實有百利而無一害

## 2 全省軍制應速確定

中正於本年七月間曾建議規定全省軍額惟現時廣東軍財統一均可告成軍長又議撤廢形勢既有變遷前議未可固執軍額之多寡必合乎時勢之需要與可能不能過多亦不可過少應有一適當之標準以爲之衡此適當之標準第一爲按照財政收入以不妨礙必要之政費爲根據決定財力上之至多可養兵若干第二爲按照軍事狀況以足對付今後之目的適爲根據決定軍政上至少應養兵若干由前者言之廣東全省統一以後對於財政如能澈底整頓每年收入當爲四千萬至五萬元以十成之七於軍費而軍費之中如軍事教育海軍飛機兵工廠及要塞等須佔兩成其可用於陸軍者僅十成之五卽二千萬元至二千五百萬元由後者言之今後之目的敵必爲北洋軍閥無論其次戰爭勝敗誰歸總之吾人與北洋軍閥之任何派作戰彼皆能出兵二十萬人以上革命軍卽可以少勝多亦不能減於十萬人之數本其論理全省軍額應暫定爲十五師至十八師每師每月經費十三萬元若以十五師計之全年經費尙未及二千四百萬元也惟以十五師或十八師兼任本省防衛與北伐自尙不敷用故宜將軍制分爲二種(一)常備

軍卽此十五師或十八師(2)自衛軍提倡農工團體組織之常備軍務於五個月內卽至民國十五年四月止一律編練完成自衛軍組織條理及幹部人才亦應於此期內編訂完竣着手準備軍長撤廢軍額確定以後並宜制定各師分駐區域斟酌目前情勢宜暫爲舊廣府屬三師南韶連三師肇慶二師惠陽一師梅屬一師潮屬一師兩陽一師高雷一師欽廉一師瓊崖一師至何師駐何地概由鈞會命令調遣並宜將各師駐地以時互相調換

### 3 軍需獨立應卽實行

軍需關係全軍命脈亦舊時軍隊積弊叢生之地設備偶不周密卽可貽誤戎機員司倘有侵吞更足敗壞軍紀世界各國軍需無不獨立事權統一責任分明法良意美洵當則倣鈞會既特設有軍需局自應厲行獨立之職權擬請規定一最近之時期自某月起各團餉項向軍需局直接支領師部軍需長祇於發餉時負監督稽核之責任各部更不得於駐防地自行籌款其被服糧秣等項亦應由軍需局實行支配發給不得各自爲政倘能設廠自製被服或向國貨工廠預定常年採辦由軍需局通盤籌劃尤可免零星急購受人操縱及利權外溢之弊惟兵餉必須按月發給不可祇發伙食每月於何日發餉並宜切實規定勿稍逾期兵士餉項至少爲二十元倘慮財力不足寧可暫時酌裁兵額被服預定如何補充更換亦勿使延誤總期所養之兵衛生經理兩無缺憾則人人無凍餓之憂卽人人安心訓練盡力打仗然此必軍需實行獨立方能辦到務望鈞會於此特別注意

### 4 軍事教育應謀統一

近年以來各軍多設立軍事補習性質之學校此本注重軍事教育之好現象然辦法紛歧名稱不一卽此駢枝疊

出已貽事倍功半之譏或派系互分更有利少害多之懼欲謀軍政之統一必先謀軍事教育之統一其機關名稱應明白規定以後一切軍事教育機關皆須統一各部隊不得自行設立其現有之軍事學校應如何整理歸併亦統由鈞會主持統一以後更宜注意軍事教育之提高應由鈞會切實計劃高等軍事學校之設置在該校未成立以前軍事專門人才宜先養成擬請在黃埔陸軍軍官學校暫設專科或由其陸軍學校歸併改設各種專科(1)經理(2)參謀(3)交通(4)軍用化學(5)軍醫(6)砲工以上六科因目下財政困難不能大規模籌辦惟此六科實為將來作戰不能缺一者應先以小規模開始籌辦並期其速成派人專辦

##### 5 兵工廠應積極整頓

近年北方各兵工廠多積極擴充獨吾粵反日漸退化欲善其事者宜先利其器此為標準北伐之重要問題未可忽視也應由鈞會切實籌畫改良方法其必須擴充增設自當籌給經費急速舉辦第一宜增設製彈機器每日所出子彈數目應以能供將來北伐作戰之用為準第二宜增製砲廠萬一限於經費亦須先設一自能製各種砲彈之廠第三宜增設鍊鋼廠為製械根本籌備一小規模之鍊鋼廠需費不多而出品必可精進惟該廠最大之缺點尤在缺乏人才近來所出之品材料工作兩皆不佳整頓之始宜請蘇俄顧問四人襄助辦理以二人管理材料以二人監督工作非積極刷新該廠決無起色又新設鍊鋼製砲各廠必須延請外國技師即蘇俄顧問難覓德人亦可聘任該廠從前所聘有德國技師辦理尚有成績自德國技師解僱乃日益腐敗往事可鑑必須於此注意

##### 6 改編軍隊應加限制



此次國民革命軍之勝利有兩個根本原因(1)對於反革命之軍隊取澈底解決方針(2)革命軍人自身力矯從前養兵自衛之惡習中正以爲此二事乃我同志所永宜自勉者也陳逆軍隊舊染已深決不能爲我國民革命效力而各部隊經予收編希圖增加其自己實力挾存私見則猶是前此驕兵悍將之所爲本年政府之設施將成泡影而革命仍歸絕望故凡有逆軍乞編者應一律設法解散如其兵卒確有可用則可用以補充各師缺額以後如有不經政府許可而收編軍隊者即以違抗命令不守紀律論決不寬恕目前已由鈞會通令各軍禁止並請制定懲治條例及隨時週密查察果有違犯無論何人概勿瞻徇

以上六事中正認爲今日軍政先務之急倘承鈞會議決甚望立即着手施行其軍需獨立一項能自十五年一月一日起照辦尤足以樹風聲而杜積弊至于不得干涉財政民政凡財政民政及司法機關人員概須聽候中央政府或省政府委派各軍隊不得過問尤屬軍人應守之天經地義苟有違背此旨者鈞會應予以最嚴厲之制裁固無俟中正瀆陳也又廣東各軍舊有之旗幟向極五光十色之致而書統兵人員之姓氏尤爲私人軍隊之表徵亦宜卽予革新應由鈞會議定軍旗統一辦法繪具圖式通令遵行此事雖小所關亦鉅並此附陳

### 五 紀念東征及其他各戰役陣亡烈士

1 本校之犧牲 本校自開辦以來兩次東征肅清楊劉以及沙基慘案學生傷亡之數達九百三十餘人之多(此數係依本校畢業生調查科統計其未來科登記者不在此限)官佐之傷亡亦不下數十人本校師生所以視死如歸者誠爲 總理大無畏之精神所感召爲本黨先烈光

榮之歷史所激勸又為蔣校長廖黨代表平日之訓教所薰陶祇求主義之實現不顧個人之犧牲有以使之然也

本校學生各戰役傷亡統計表

戰役	陣亡人數	負傷人數
第一次東征之役	一五六	一八二
肅清楊劉之役	九一	一〇三
第二次東征之役	二八四	一二三
合計	五三一	四〇八

2 追悼先烈 第一次東征校軍克復淡水之後蔣校長召集校軍全體官兵開陣亡將士追悼大會於淡水底定潮汕之後校軍在興甯聯合各界開追悼 大元帥及陣亡將士大會沙基慘案發生之後本校聯合廣州軍警各團體公祭沙基死難烈士第二次東征復定潮汕之後蔣校長在潮安舉行東征軍陣亡將士追悼大會每次追悼先烈之時蔣校長均有極沈痛之演說參與之人士莫不感慟奮興誓繼先烈之遺志奮鬪到底以完成先烈未竟之革命事業

3 東江陣亡烈士墓 本校官長學生于各役殉難者凡五百餘人政府紀念先烈感昭後死特命于本校附近之平岡建議東江陣亡烈士墓凡本校官生為兩次東征及其他戰役犧牲者

均安葬於此建設費共六萬五千餘元十四年十二月開始建築至十五年六月十六日舉行落成典禮由蔣校長主席國民政府以下各機關代表及本校全體官生均參加典禮

第七節 統一廣東

一 肅清北路

熊克武自川省政權失落後率其殘部來歸即以余際唐部之第一軍湯子模部之第二軍盤踞北江之連陽一帶節節佈防陽與政府合作騙請補充陰與陳炯明林虎等勾結圖謀不軌乘我東征軍出發之際貿然來省竊我內情種種詭謀均被政府察覺乃於十月一日以招宴爲名卽席扣留熊逆隨員衛隊亦被看管同時軍事委員會命令云「熊克武率部來粵入駐連州陽與政府合作陰與陳逆勾通危害政府證據確鑿亟應將其部隊解決以遏亂萌而消隱患着由國民革命軍第二三兩軍各以一大部協同桂省各部隊遵照計劃嚴密施行此令」當時熊部屬於第一軍余際唐者係第一師喻培棣十四師鄭英及第一混成旅馮紹麟（原屬陳渠珍）第三混成旅劉稜第四混成旅張寶警備司令楊維教導團王虎等部其槍兵約在四千左右大砲三尊機關槍九挺但均無子彈屬於第二軍湯子模者係由湯子模原有第二師（原屬石青陽）及第六混成旅周燮卿獨立第一旅羅健（原屬唐繼虞）警衛團石潤碧等部共有槍兵約三千五百左右大砲三尊機關槍一挺亦無子彈

第二軍軍長譚延闓奉到軍事委員會命令後即於十月五日派其部下魯滌平爲第二軍臨時總指揮張輝瓚爲第一路指揮分道向連州進擊第三軍軍長朱培德奉到軍事委員會命令後即令第一師師長王均部爲第一縱隊向水口圩前進第二師師長朱世貴部爲第二縱隊向青蓮前進並與第二軍聯絡會師連州川軍節節退避至十六日完全竄入桂邊十七日復被桂軍白崇禧部截擊又向湘邊馬頭鋪逃竄二十一日第二軍奉軍事委員會電令回駐韶關第三軍着留部隊駐防與桂軍聯絡於是北路遂無敵踪

## 二 肅清南路

當陳逆侵犯東江之際廣東南路陳逆餘黨鄧本殷亦同時來犯政府以陳銘樞爲南路各軍指揮俞作柏副之率軍討逆其初期之計劃分作爲三縱隊茲述各縱隊兵力如下

### 南路各軍指揮陳銘樞副指揮俞作柏

第一縱隊(指揮官俞作柏)廣西軍約四千人

第二縱隊(指揮官陳章甫)新編第三師

第三縱隊(指揮官陳銘樞)第十師(缺一團)第十二師(缺一團)第四軍第三獨立團

後方預備隊呂光奎所部廣西軍江門警備隊海軍陸戰隊第四軍第二獨立團之一營

此時敵人亦分中左右三路來犯兵力倍我十月二十四日敵軍與倒戈之叛軍第十師聯合

四面逼來我軍應付困難乃移主力於單水口二十七日敵軍數次衝鋒均被擊退戰至二十九日午后我援軍至遂破敵軍是時政府已令第三軍軍長朱培德爲總指揮率二三兩軍大舉南征朱將各部分四路以陳銘樞部爲第一路王均部爲第二路戴岳部爲第三路俞作柏爲第四路陳章甫爲右側支隊先令各路驅逐當面之敵預備與敵會戰於兩陽將一舉而殲滅之十一月七日陳指揮佔領陽江其餘各路亦將各處之敵分途擊潰二十三日俞作柏部進佔廉江城鄧逆本股退回瓊州島其餘殘部竄廉州陳俞兩部進攻廉州第三路戴部進攻雷州次第克復海岸上之敵既經肅清餘僅瓊州孤島鄧逆之老巢未破政府乃令第四軍負肅清之責至十二月二十日遂克復瓊州城鄧逆泛海而遁其軍隊均經收編繳械瓊州大定南路肅清後於是數年來四分五裂紛亂擾攘之廣東完全統一廣西方面早有聯絡國民政府之基礎愈形鞏固遂準備北伐矣

## 第四章 參加北伐諸戰役

### 第一節 北伐原因

總理於民國十三年督師韶關躬親北伐後因北上召開國民會議北伐遽爾中止盡瘁國事逝世北京雄師未出遺恨以終今廣東統一南方已定自當獎率三軍北定燕雲促主義之實現登人民於衽席以完成 總理之遺志

### 第二節 當時北方形勢

當國民革命軍平定南路統一廣東之際孫傳芳已盤踞浙閩皖贛蘇五省在直魯之奉軍復受馮玉祥國民軍之壓迫河南國民第二軍岳維峻部向魯西大名保定一帶進兵京畿附近之國民軍第一軍馮玉祥亦暗中佈防奉國戰機頗有一觸即發之勢段祺瑞居中調停以京漢路歸馮玉祥岳維峻維持以津浦路歸張作霖李景林辦理以圖苟安一時不期十四年十一月二十二日奉軍忽有郭松齡之變因郭和李景林係奉軍中大學派領袖與士官派中堅之楊宇霆姜登選等積不相能而郭松齡頗爲張學良所器重馮玉祥因欲得天津海口乘機秘與郭松齡李景林密約首由郭稱兵請張作霖下野擁張學良爲領袖馮李則牽制奉軍爲郭之後援及郭於十一月二十一日發動之後李景林宣布保境安民脫離奉系馮部遂乘機佔領熱河瀋陽震動奉張束手無策後奉張得日軍之助十二月二十二日巨流河之戰郭遂敗死當郭松齡與奉張惡戰關外之時馮

以全力攻李景林以期奪其直省地盤郭軍失敗之次日李軍亦被馮繳械馮玉祥用郭倒張之日的雖未達到然直省之地盤已完全佔領矣吳佩孚以孫傳芳不爲己用且恨馮從前之倒戈遂變攻奉爲聯奉乃令靳雲鶚入魯收編國民軍李紀才部之直系軍隊與張宗昌李景林聯絡於是直奉攜手向國民軍進攻馮玉祥爲保全實力起見乃於十五年一月一日通電下野出洋遊歷并聲明取銷國民軍名義四月將軍權交與張之江自赴平地泉準備由庫倫經俄赴歐洲奉軍乃又入關吳佩孚佔領鄭州靳雲鶚進抵石家莊鹿鍾麟放棄天津率兵入京以圖固守段祺瑞又欲見好於奉系謀爲內應爲鹿發覺四月九日國民軍將執政府包圍宣布段氏罪狀恢復曹錕自由電請吳佩孚入京主持十五日國民軍全部退至南口是時執政府壽命告終張吳又互相爭逐爲個人利益之傀儡政府相持兩月之久僅以海軍總長杜錫珪兼代國務總理攝政爲暫時之解決故此時北方實爲孫傳芳張作霖吳佩孚三人分割互鬥之局面早已陷於無政府狀態人民痛苦達於極點其時國民革命軍籌備北伐之工作業經就緒已開始動員矣

### 第三節 本黨決議北伐

廣東統一之後廣西亦誠意擁護國民政府以廣西之兵力編爲第七軍本黨遂積極整頓軍備以期完成北伐同時北方軍閥亦時圖謀廣東以思破壞革命之勢力故北方聯合反奉之軍閥忽轉其鋒聯合以擊向國民政府表示善意之國民軍吳佩孚主張尤力欲消滅國民軍以洩憤國

民軍向國民政府求援電請出師湘鄂以分北方軍閥之勢力且本年一月間之梧州會議參與者除兩廣外湖南陸軍第四師師長唐生智亦有代表列席對於湖南軍事多所討論僉以唐生智爲趨恆惕所壓迫衡州危如累卵兩廣亦將受其影響非迅速應援不可至四五月吳佩孚遣兵攻湘以謀寇粵唐生智力薄不能抵抗乃向國民政府乞援北方之國民軍又固守南口獨立難支亦請國民政府出師聲援海內外黨部及各團體屢請中央早日出師北伐又各地代表爲北伐請願者絡繹不絕本黨鑒於人心之趨向時勢之要求知北伐之時期已至雖本黨軍隊之數量不及軍閥軍隊五分之一乃本革命之決心有進無退中央執行委員會遂於六月五日召集全體會議決議出師北伐

#### 第四節 蔣校長就國民革命軍總司令職

##### 一 任命及就職

十五年六月五日國民政府以中國國民黨中央全體委員北伐會議之結果特任蔣中正爲國民革命軍總司令主持北伐軍事并於本月二十九日特任蔣中正爲國民政府委員七月四日國民政府常務委員會主席委員張靜江辭職蔣中正繼任七月九日蔣校長就國民革命軍總司令職誓師於廣州東校場本校訓練部主任吳思豫率領步一二團學生各一營砲工經理各一隊入伍生一營憲兵教練所學生三隊全體武裝赴省參加典禮上校以上高級官長隨同教授部主



任李鐸前往慶祝中央黨部特派中央監察委員吳稚暉授旗舉行誓師及閱兵典禮典禮秩序如左

總司令 就職 誓師 授團旗 典禮秩序 七月九日上午九時 東校場

總指揮 李軍長濟琛

警衛司令 錢師長大鈞

司禮官 張處長治中

(1) 總司令就職

(一) 肅立 (二) 奏樂 (三) 就位 中央執行委員會主席就位 國民政府委員會主席就位 總司令率本部職員就位 (四) 向國旗黨旗 總理遺像行三鞠躬禮 (五) 中央執行委員會主席宣讀 總理遺囑 (六) 國民政府委員會主席授印 (七) 總司令受印 (八) 中央執行委員會主席授旗 (九) 總司令受旗 (十) 總司令率本部職員就職宣誓 (十一) 各部隊向總司令致敬 (舉槍奏樂) 總司令答禮 (十二) 各來賓向總司令致敬 總司令答禮 (十三) 奏樂

(2) 總司令受團旗

(一) 總司令就位 (二) 受旗者就位 (三) 總司令親持團旗 (四) 各部隊向總司令團旗敬禮 (舉槍奏樂) (五) 團長率旗官及軍旗衛兵 (四名) 進至禮台前六步向總司令敬禮 雙手恭謹領受 (六) 各團旗授畢各團長南向各

團官兵向團旗敬禮（舉槍奏樂）（七）各團長北向總司令敬禮後退位（八）奏樂

（3）總司令誓師

（一）總司令宣讀誓師辭（各部隊立正）（二）閱兵

（4）中央執行委員會訓話

（5）國民政府主席訓話

（6）總司令訓話

（7）呼口號

（8）鳴礮

（9）奏樂

（10）禮成攝影

（附錄）國民革命軍總司令誓師詞

嗟我將士爾肅爾聽國民痛苦火熱水深土匪軍閥爲虎作倀帝國主義以梟以張本軍興師救國救民 總理遺  
命炳若日星弔民伐罪殲厥凶會復我平等還我自由嗟我將士爲民前鋒有進無退爲國效忠實行主義犧牲個人丹  
心碧血革命精神嗟我將士一德一心毋忘恥辱毋憚艱辛毋惜爾死毋偷爾生壯烈之死榮於偷生嗟我將士保此國  
家嗟我將士保此人民遵守紀律服從命令惟紀與律可以制勝生命爲私紀律爲公生命爲輕命令爲重嗟我將士團

結精神澈始澈終相愛相親毋懼強敵毋輕小醜萬衆一心風雨同舟我不殺賊賊豈肯休勢不兩立義無夷猶我不犧牲國將沉淪我不流血民無安寧國既沉淪家孰與存民不安寧我孰與生嗟我將士矢爾忠誠三民主義革命之魂嗟我將士共賦同仇革命不成將士之羞嗟我將士如兄如弟生則俱生死則俱死存亡絕續決於今茲不率從者軍法無私

### 國民革命軍總司令就職宣言

廣州上海北京天津漢口各報館轉全國軍人工農商學各團體暨全國同胞均鑒六月五日奉國民政府命令特任蔣中正爲國民革命軍總司令竊中正自奉命興學以來惟以養成革命幹部爲職志治軍振旅旣非素長尤乖夙願第革命指揮必求統一黨員義務首在服從國民革命之成敗匹夫有責中正敢不竭其駑駘盡忠革命以從國民之後而中國今日何以有國民革命之需要革命戰爭之目的究爲何如中正尤不能不於就職之始爲我全國同胞宣告也慨自辛亥革命迄今十有五年禍亂相仍擾攘不止人民陷溺於水火之中日益深熱追求致亂之源悉由國際帝國主義者爲之厲階彼既挾砲艦政策以保持其脅迫而取得之不公平條約攘奪我關稅自主妨害我司法獨立壟斷我全國金融與交通使我新興工業受其扼制固有農產被其把持因而商業蕭條民生凋敝遍地皆匪百廢莫舉而彼復利用萬惡之軍閥爲其工具摧殘愛國運動剝奪人民自由更驅使全國軍人同室操戈自相殘殺必使我國內亂不絕而彼乃得操縱我政治與經濟之全權環境險惡如此其甚猶謂於國民革命以外別有救國途徑甯非欺人之談革命戰爭之目的在造成獨立自由之國家以三民主義擁護國家及人民之利益故必集中革命之勢力於三民主義之下推

倒軍閥與軍閥所賴以生存之帝國主義曩昔革命之失敗皆由軍人不知革命之需要不明戰爭之目的不求犧牲之代價尤不知主義爲救亡惟一之生路迷信武力爲統一中國之張本受軍閥至微薄之餒養而甘爲帝國主義者間接效死命卽號稱革命軍人者亦絕無澈底革命之決心甚至爲反革命勢力所吸引與之同腐而不自覺而全國人民對於革命之成敗亦漠不關懷不能與革命軍同仇敵愾起而自救長此以往豈徒革命難成必至國亡無日彼帝國主義者施於各殖民地之政策乃在遏抑其國民革命運動分散革命勢力使其民族自相屠戮殘殺絕無抵禦外侮之能力彼之所以能亡人國滅人種者亦惟此而已我全國軍人及同胞一念及此必皆翻然大悟與我革命同志共同奮鬥也中正今茲就職請以三事爲國人告第一必與帝國主義者及其工具爲不斷之決戰絕無妥協調和之餘地第二求與全國軍人一致對外共同革命以期三民主義早日實現第三必使我全軍與國民深相結合以爲人民之軍隊進而要求全國人民共負革命之責任如我全國軍人有能以救國愛民爲職責不爲帝國主義之傀儡者中正必視爲革命之友軍如能向黨輸誠實行三民主義共同爲國民革命奮鬥者中正尤引爲吾黨之同志決無南北畛域之見更無恩仇新舊之分若有依恃武力甘冒不韙謀危我革命根據地抗犯我各省國民革命軍樂爲帝國主義者效忠不惜陷國家於萬劫不復之地則必將爲全國人民之公敵誓當摧陷而廓清之總之國民革命以主義爲依歸絕不同於軍閥武力統一之夢想中正惟以主義之成敗決個人之生死亦卽以主義之從違定順逆之標準其他一切皆非所計邦人君子救國之誠豈後於我當念中國存亡在此一舉一致興起共同奮鬥視今日國民革命之需要爲吾全民之生死關頭一改往日袖手旁觀之故態各竭其能各盡其責督促全國軍人使皆爲我國家與人民之利益而戰爭參加革命戰線掃

除帝國主義改造我中華成爲獨立自由之民國中正誓必竭盡愚忠爲國犧牲繼承吾黨 總理與諸先烈未竟之志也謹電陳詞伏維

鑒察

### 國民革命軍總司令告全體將士書

國民革命軍將士諸同志公鑒六月五日奉國民政府命令特任蔣中正爲國民革命軍總司令中正才能淺薄受茲重任自愧勿逮惟革命指揮必須統一黨員行動未許自由當此帝國主義與北方軍閥聯合進逼之時捍難禦侮猶恐不及况中正身許黨國何敢規避求全既奉明令惟竭駑鈍勉效馳驅且自去歲以來兩次東征討逆一度旋師靖難皆賴諸同志一德一心同仇敵愾得以迅奏膚功迨南路蕩平廣東遂以統一今欲完成革命統一中國事之艱鉅十倍曩昔而同志之忠勇奮發尤必視前百倍中正敢不從諸同志之後以盡革命一份子之責乎國民革命之成敗全繫於我將士諸同志之身中正誓與我諸將士同生死共成吾 先大元帥未竟之志謹於就職之始列舉四事爲諸將士告

(一)當認定帝國主義爲吾人真正之目的敵 先大元帥致力國民革命四十年以求中國之自由平等孰使中國不自由不平等曰惟帝國主義故抵抗帝國主義實爲國民革命最大之使命諸將士願國民革命軍之名而深思其義必知吾人今日一切努力皆當集中於此帝國主義一日不推倒中國人民一日不得寧息不平等條約之桎梏使我在政治上經濟上咸失自由庶政無由整理民生日益憔悴土匪與軍閥乃皆爲帝國主義之工具內亂永無已時吾人與土匪戰與軍閥戰實皆間接與帝國主義戰最近吳佩孚蹶而直起謀害我革命根據地尤顯然得帝國主義者之助帝

國主義與爲其工具之軍閥所視爲不共戴天之仇者惟我爭中國自由平等之革命軍人我革命軍人亦卽誓與彼等不兩立當此之時宜以最大之決心爲最後之努力帝國主義者擁有強大之武力與雄厚之財力我國民革命軍如以物質相較無論軍械餉項皆不能與之頡頏惟今日國民革命軍之物質與前此革命時代之情狀相比較則已不可謂不豐諸將士當以大無畏之精神預備以吾人寶貴之血肉抵禦帝國者犀利之鎗砲尤勿忘先大元帥革命軍人以一當百之教訓就今日軍隊之人員言固當以一敵百卽以餉彈之數量言亦惟有以一比百乃能使後方接濟不絕用之無窮也至於個人成見尤當爲革命而犧牲一致以帝國主義爲公敵殲除帝國主義工具之軍閥與土匪則爲抵抗帝國主義所必需之手段革命無難事惟在始終不變其目的必有完成其最後責任之一日

(二)當確信國民革命軍爲中國國民黨之軍隊 革命軍人與軍閥之差別一則決心與帝國主義搏戰一則甘

爲帝國主義者之工具然其所以致此差別者尤別有在革命軍人不以軍隊爲私有惟持主義以奮鬥軍閥則視軍隊爲私產防區爲地盤舉民政財政一手把持而囊括之且不恤倒行逆施依附帝國以求生存也社會環境至爲險惡在在足以促軍閥之造成曾在革命旗幟下之軍人亦有中途變叛與軍閥同一禍國者主義之信仰不深環境之誘惑自易中正嘗謂軍閥非盡其所願爲乃環境迫之使然者此言非爲軍閥恕乃願我同志深自惕勵勿爲環境所移轉也惟三民主義能防止軍閥之發生三民主義之真精神爲救國爲犧牲個人自由爲解放全人類之壓迫此皆與軍閥根本不相容者國民革命軍應受黨之指導及監督成爲黨之軍隊而竭力避免軍閥之行徑上級官長當立志不佔領地盤不把持民政財政不包庇烟賭無論剿匪或作戰所得軍械及一切戰利品必悉數呈報上官聽候處置切勿隱匿不

報據爲私有希圖擴充私人之軍隊今日軍閥咸爲擴張自己實力之一念所誤人各求擴張其實力而漫無限制必至罄所入之財不足供所需之餉政治因之紊亂軍紀因之廢弛卒之兵日多而無一兵可用且部屬效尤同僚猜忌師欲擴而爲軍團亦欲擴而爲師孟子所謂先利後義不奪不蹙者其流弊直無異於自殺中國革命數十年所以不能成功者亦惟此而已中正深信我將士之必不爲此惟爲防微杜漸計爲完成革命計祇有努力遵守黨之紀律實現黨之主義服從黨之指揮國民革命軍乃黨之所有任何人不得而私也黨代表與政治工作人員尤應有精神上之輔助團結政治工作爲革命精神之所寄其職責之所在必相與努力促其完成不得輕視此爲革命軍真正命脈之一慎勿等閒視之

(三)當盡力注意士兵之教育及生活 本黨第一次全國代表大會制定政綱在對內政策第七項中即規定注意改善下級軍官及兵士之經濟狀況并增進其法律地位施行軍隊中農業教育及職業教育自國民革命軍成立兵士之經濟狀況較前之絕不發餉者自稍改善然去吾人之理想實尙甚遠本年第二次全國代表大會中正即與諸同志提出改善士兵生活案但仍限於環境未能實行農業職業各教育計畫尤爲事實所限制不遑計及今日欲稍提高士兵之生活及教育惟賴諸將士切實注意各在其可能範圍內力求改良而已革命目的在於解除一般人民之痛苦士兵即受痛苦最甚之人民投身軍隊以求解放若仍使其飽嘗痛苦則一切主義皆屬空談中正深信今日士兵皆爲真正革命者因其來自田間備受壓迫如能明告以戰爭之目的革命之意義乃爲自身求解放爲國家求獨立彼等必皆能與帝國主義及軍閥作殊死戰而我輩統兵者是否真正革命則須視其能否注意士兵生活而定自古名將無不

與士卒同甘苦視士卒如子弟今日物質設備卽有未周但官長能於士兵之食品服裝衛生經理以及教育事項多一分注意則士兵必減少一分痛苦官長當力求減低自己之生活而提高士兵之生活尤必須注意士兵精神上之慰安對於軍事政治以及人生必具之各項智識當隨時隨地使士兵能有接受領悟之機會革命事業之成敗繫此諸將士個人之成敗亦繫此中正不能不爲嚴格之要求也

(四)當努力使國民革命軍爲人民之軍隊 先大元帥於民國十三年十一月離粵北上時曾發布宣言謂「武力與帝國主義結合者無不敗與國民結合以速國民革命之進行者無不勝」今日以後當劃一國民革命之新時代第一步使武力與國民相結合第二步使武力爲國民之武力國民革命必於此時乃能告厥成功此吾人一日不能或忘之實訓也北方國民軍以能實行「不擾民真愛民」之標語雖遇強敵終不挫敗彼蓋亦接受 先大元帥之教訓者我國民革命軍之有今日尤全以與國民相結合之故東江之戰廣州近郊之戰南路之戰皆奉民意爲旨歸得人民之贊助惟吾人欲求國民革命之完全成功猶不能以此爲滿足當使全國人民皆能起而自謀其利益蓋以帝國主義與軍閥之頑強我國民革命軍卽能將其擊破逆料彼等摧敗之餘反動必且更烈取精用宏死猶爲厲欲使帝國主義與軍閥不作死灰復燃之計必全國人民皆能起而共同奮鬥與反動勢力作不斷之決戰也國民革命之責任不徒爲人民除一時之禍害并當爲人民謀永久之幸福不徒爲人民執捍禦之勞並當扶助人民使有自衛之能力諸將士自民間來必思到民間去宜隨時隨地力與民衆相接近與民衆同甘苦滿足民衆對於革命軍人之要求凡本黨政綱所定與人民團體之發展及一般之福利有關者諸將士咸當切實奉行勿視爲紙上空談尤必依據 先大元帥所著之建



國大綱實行軍政時期訓政時期培養人民自治能力之必要政策蓋必如是而後可使武力爲國民之武力也

凡此四事皆言其榮榮大者中正深信此四者能實行則國民革命軍必得完全之勝利而中國之自由平等亦即可依諸將士之奮鬥而達到目的若夫嚴申軍紀則有革命軍特定之連坐法與革命軍刑事條例在而『新兵精神教育問答』『戰鬥祕訣』『日課問答』『革命軍口號』諸條例黨軍用之而著效者惟期將士朝夕諷誦勿視爲具文抑中正尤有言者自來革命之成功戰事之勝利其惟一原則在指揮統一勢力集中集中則團結堅強行動一致乃能發生效力統一則統計便利整理有方平常有系統之準備戰時爲全盤之規畫如身使臂如臂使指兵多固操必勝之權兵少亦立不敗之地否則人自爲戰各自爲政命令失效訓練困難有利則相爭攘遇難則相推諉不幸小有挫折輒令全部崩壞九節度之師潰於相州可爲殷鑑中國革命歷次失敗其原因亦多在此今日爲吾黨生死關頭再不於此注意非僅革命無成我儕咸將不知死所矣惟所謂集中統一者必以黨與政府之命令爲歸而非如軍閥之以個人爲重中正自立志革命以至興學教戰率師東征未嘗敢稍蹈割據抗命之習尤不敢營私舞弊歛財納賄如中正有一毫自私自利類於軍閥之行徑則凡我將士咸得起而舉發其事實中正甘受黨與政府極嚴厲之制裁吾人所任職務就軍隊系統言階級不容稍高然在黨義上則皆爲同志革命軍之基礎全在下層甚願諸將士以同志及黨員之資格監督上官勿以階級區分而致實際睽隔失却革命之精神惟實施命令恪守軍紀必須嚴厲施行澈底要求此爲責任與職權所在亦不容有絲毫假借也中正與諸將士情同手足誼託腹心言雖繁冗尙不百一惟冀鑑其愚誠共同奮鬥以促國民革命之完成則幸甚矣

二 總司令部之組織

十五年七月七日國民政府命令公布國民革命軍總司令部組織大綱令文及組織大綱錄

下

中華民國國民政府令

茲制定國民革命軍總司令部組織大綱公佈之此令

中華民國十五年七月七日

主席譚延闓

國民革命軍總司令部組織大綱

一 國民政府特任國民革命軍總司令一人凡國民政府下之海陸航空各軍均歸其統轄

二 國民革命軍總司令對國民政府與中國國民黨在軍事上須完全負責

三 總司令兼任軍事委員會主席

四 總司令部參謀長以軍事委員會參謀部長兼任之或由總司令呈請國民政府委任之

五 總司令部設置參事廳以參謀長總參議高等顧問若干人組織之參贊戎機襄助總司令處理進行事宜

六 總司令部設於軍事委員會內以作戰之進步隨時進出於前方

七 政治訓練部參謀部軍需部海軍局航空局兵工廠等各軍事機關均直屬於總司令部

八 出征動員令下後卽爲戰事狀態爲圖軍事便利起見凡國民政府所屬軍民財政各部機關均須受總司令之指揮秉其意旨辦理各事

九 總司令出征時設立治安委員會代行總司令職權該會受政治委員會之指揮其決議案關於軍事者交由總司令部執行之

十 總司令部之編制及規定另定之

蔣總司令奉命後卽在粵組織總司令部總司令部內設總參謀長一以李濟琛任之副總參謀長以白崇禧任之而以邵力子爲秘書長此外設政治部以鄧演達爲主任更設參事廳以鈕永鍵爲總參議而以潘文治任觀琪姚觀順等爲參事廳之外有軍事政務會議有法規編審委員會此外更設參謀副官海軍軍械交通軍務秘書訓練軍需航空軍法審計軍醫徵募十四處而以張定璠張治中林振雄楊志春陸福廷馬文車嚴重俞飛鵬林偉成林翔徐桴楮民誼金誦盤邱鴻鈞等分任處長

### 三 北伐部隊之編組

第二次東征之時國民革命軍已有五軍與贛鄂豫各部隊及廣東統一之後贛鄂豫各部及吳鐵城之警衛師合編爲第六軍以程潛爲軍長至十五年春李宗仁黃紹雄率全桂各旅來歸編爲第七軍以李爲軍長黃副之及本黨決議北伐第七軍已先發入湘湘軍趙恆惕部之第四師師

長唐生智率部歸順卽編爲第八軍以唐爲軍長兼前敵總指揮舉兵北進故北伐正式出師之時國民革命軍共爲八軍卽第一軍何應欽爲軍長第二軍譚延闓爲軍長第三軍朱培德爲軍長第四軍李濟琛爲軍長第五軍李福林爲軍長第六軍程潛爲軍長第七軍李宗仁爲軍長第八軍唐生智爲軍長以上八軍總數在十萬人左右當時北伐之準備極爲充實惟權衡緩急決先入湘一可以利用唐生智之歸來以驅趙恆惕一可以分吳佩孚之兵力以救國民軍入湘之兵力計有三六三軍及第一軍王柏齡師第四軍張發奎師陳銘樞師及葉挺團第七軍李宗仁之第四旅與在湘之第八軍合計動員全體約八萬人以上

#### 第五節 出師北伐

##### 一 蔣總司令出發

七月二十五日正午廣東民衆在廣東大學開歡送國民革命軍出師北伐大會蔣總司令派總司令部副官處長張治中前往代表致詞當晚中央執行委員會及國民政府假中央黨部禮堂設宴歡送蔣總司令北伐席間蔣總司令演說略云「北伐係繼續 總理及已死同志未竟工作此次出師乃爲全黨出師非革命軍單獨出師更非總司令單獨北伐凡屬黨員應同時總動員加倍努力爲北伐軍後盾擁護北伐軍一致團結鞏固後方如此則介石臨別最後敢對同志說一句話在前敵能擔保北伐軍打勝仗擔任北伐成功并取消不平等條約而回」七月二十六日蔣總

司令離校校務交方教育長鼎英代拆代行本校各部處主任官歡送於河南總司令部蔣總司令臨別訓話諄諄以親愛精誠相訓勉是日蔣總司令與國民政府主席譚延闓蘇俄顧問鮑羅廷總參謀長李濟琛等會議議決對閩主和對贛主守以全力攻岳州繞贛邊出武漢佔領長江上游等計劃至後方軍務則由李濟琛負完全責任并令北伐在途各軍於八月五日即集中衡州令劉峙擔任粵路警備朱培德擔任北江警戒二十七晨蔣總司令偕白崇禧乘兵艦赴黃沙九時乘粵漢鐵路開赴韶關隨行者除俄顧問加倫將軍湘唐代表雷鑄寰袁祖銘代表呂超川黔代表吳厚尤楊德純及參謀副官秘書軍械各處人員外并有衛隊兩團預備隊一團及本校各種兵科學生護從甚衆送行者有鮑羅廷夫婦譚延闓張靜江吳稚暉陳樹仁等當晚蔣總司令抵韶關紳民空巷赴站歡迎

本校學生隨蔣總司令北伐者有第三期學生二十人擔任特別任務四期學生政治大隊五期入伍生砲兵團工兵營迫擊砲連又本校之無線電信隊交通工程隊憲兵營等當蔣校長離校之時發表留別全體官生書關於團結精神實行主義之旨諄諄致囑書云

本校全體官長學生各同志均鑒本校長受黨與政府之委託督師北伐所惓惓不能忘者以我全校官長學生爲最臨別贈言血誠所寄凡我同志幸各諦聽革命成功之最大要素爲團結精神統一意志集合一切革命勢力是故本校訓爲親愛精誠本黨使命爲謀全民革命而必植基於農夫工人且與共產黨合作我全體官長學生宜相親相愛

宜團結一致宜共同集合於革命旗幟之下努力工作共產黨同志不得懷疑批評三民主義國民黨同志亦不得稍有排斥共產黨同志態度本校長向以革命爲前提前次提出整理黨務案及要求我同學各保持純粹之黨籍皆僅考慮本黨與共產黨合作之方法并非懷疑本黨與共產黨合作之原則無論其退出CP而爲純粹之國民黨員或退出國民黨而爲純粹之CP份子本校長皆一視同仁無分畛域各同學亦切勿稍有歧視既爲同學又同致力於革命即宜互相親愛共泯猜疑彼反革命者以討赤爲名不獨仇視CP凡國民黨稍努力之同志即概誣爲CP或加以賣黨之罪此種態度我同學萬不宜效之其祕密之小組織與任何小團體皆宜懸爲厲禁視爲親愛精誠之大敵近來部隊中有仇視政治工作人員者卽爲陷入反革命之漸各官長宜於暇時研究政治經濟各學生宜十分重視政治教育方不負本校軍事政治並重之旨且可充分明瞭主義成爲真正革命軍人至服從命令恪守紀律尤爲軍人必守之天經地義本校長出征以後校長職務已委方教育長代拆代行各官長學生務一致服從方教育長之命令與服從本校長之命令無異黃埔今日已爲革命之中心一方爲全國人民所屬望一方爲帝國主義者所嫉視惟有大無畏之精神百折不撓之志氣輔以謹慎戒懼之心理廉潔高尚之美風確信革命係爲勞苦羣衆謀解放而非爲個人爭功名富貴故大羣之團結必須堅固小己之自由概可犧牲實行 總理創造之三民主義完成中國之自由獨立皆在於是前方之勝利悉繫於後方之鞏固而本校尤爲革命之根本我全體官長學生其共勉之

中正敬啓(十五年七月二十七日)

## 第六節 湘鄂贛諸役

### 一 敵方兵力

當國民革命軍出師北伐之時直系軍閥吳佩孚在兩湖之勢力實爲當前之勁敵故北伐之初以首先打倒吳佩孚爲目標至孫傳芳與張作霖則虛與委蛇爲策略當時兩湖之敵軍計有（一）葉開鑫部湘軍約兩師以上（二）馬濟部桂軍約一師（三）劉志陸部粵軍及謝文炳部共約一師以上（四）唐福山部贛軍（援湘第三路軍）一師（五）李倬章部湘鄂邊防軍五千人（六）宋大霈師及余蔭森孫建業兩旅（合編援湘第一路軍）（七）王都慶部一師（援湘第二路軍）（八）董政國部兩旅（援湘第四路軍）（九）陳嘉謨部兩旅（十）海軍第二艦隊（在汨羅江助陸軍封鎖湖南）以上敵軍兵力共在十萬以上惟是時吳佩孚輕視北伐軍而注意國民軍故自率勁旅北上助奉攻擊南口之國民軍兩湖複雜之軍隊無主帥統一號令各存地盤之觀念而無戰鬥之決心如此烏合之衆固不足以當革命軍之一擊也除兩湖敵軍之外尚有湘西袁祖銘賀龍軍數萬人觀望中立贛南贛西孫傳芳部鄧琢如軍數萬人乘機向北伐軍進攻閩南周蔭人軍數萬人時思乘虛襲取革命根據地凡此雖非國民革命軍當時之正面大敵而其牽制北伐之兵力影響於革命前途實爲重大

### 二 北伐進展

蔣總司令就職後即積極籌畫北伐我第七第八及第四軍均陸續北進七月十日前敵總指

揮唐生智報捷第八軍李品仙師佔領長沙劉興師佔領寧鄉第四軍陳銘樞張發奎兩師進佔醴陵又十二日我軍正面克復湘陰左路克復益陽右路克復瀏陽葉逆開鑫向沅江退竄俘虜數千人繳械數千枝生擒偽旅長劉雪軒一名十九日前敵電請蔣總司令統率各軍兼程前進

蔣總司令於二十七日抵韶關二十八日抵孟頭二十九日抵樂昌三十一日續進九峯八月一日由水道抵宜章二日抵良田電令潮州分校校長兼第一軍軍長何應欽調獨立團赴饒平大浦對閩戒嚴發張貞槍二千枝扼守黃岡三日蔣總司令抵郴州五日經永興向耒陽續進六日電令潮州何應欽調步兵二團砲兵一營增防三河壩又電令二三兩軍速由攸醴瀏陽向平江進發七日抵耒陽八日乘艦抵春江電令潮州何應欽戒備湘贛閩境以防贛閩敵軍襲後方九日抵衡州檢閱北伐各軍集中之部隊召開軍事會議并分電前敵各軍進攻武漢十二日乘船抵長沙民衆歡迎若狂是晚召集軍事會議決定進攻鄂贛之計劃即日分電各軍照作戰計劃施行令云

一 令第三軍朱培德率王均朱世貴兩師以夏斗寅部教導團莫耀煊團作嚮導進駐萍鄉攻贛西

二 令第四軍副軍長陳可鈺率陳銘樞張發奎兩師以葉挺獨立團充前鋒進攻贛之修水銅鼓與朱軍聯絡前進

三 令第二軍副軍長魯滌平率戴岳張輝瓚兩師以教導師陳嘉佑任先鋒迅攻贛南

四 令第六軍軍長程潛派兵一師攻崇義之贛軍

五 令第八軍周瀾之教導師擔任黔軍先鋒進攻湘西澧州前進



六 令第八軍軍長唐生智全軍擔任汨羅平江兩路另以王柏齡一師撥唐指揮助攻平江

七 令第七軍軍長李宗仁率所部專任湘陰一路兼禦兵艦進攻調夏斗寅部第三團張森任嚮導

八 以上七令統限三日內分途進行本總司令駐長沙行署仰各軍長轉令所部一體知照

十五日蔣總司令在長沙行署開軍事會議對於作戰計劃略有變更此次決定攻鄂防贛之策略到會者有陳副軍長可鈺朱軍長培德李軍長宗仁唐軍長生智夏師長斗寅以及袁祖銘之代表呂超彭漢章代表簡仲芬賀龍代表林文舉等是日頒發作戰計劃編組第四第七第八各軍爲中央軍直趨武漢封鎖武勝關第二（缺一師）第三兩軍爲右翼軍集中攸醴監視江西（目的在（一）防止孫傳芳之擾亂後方（二）防止孫傳芳之援鄂（三）俟武漢下後乘勢入贛以爲直取東南之計）新由黔軍編成之第九第十兩軍爲左翼軍集中津澧進取荆沙第一第六兩軍爲總預備隊隨中央軍推進并命令唐生智兼中央軍總指揮朱培德爲右翼軍總指揮

以上之部署既定中央軍以第四第七兩軍爲右縱隊令李宗仁領之以第八軍爲左縱隊令唐生智兼領之於十八日開始總攻擊向岳州羊樓司蒲圻之線攻擊前進中央軍以主力出平江通城截擊敗退之敵更進攻武漢十九日右縱隊猛撲平江敵將陸澧憑險困鬥激戰甚久卒將敵衆兩團消滅陸澧自殺於是佔領平江左縱隊亦自長東街躡擊至破塘口敵毀橋據河固守我軍由文明橋強迫渡河將敵摧破遂於二十二日進克岳陽敵趙恆惕李濟臣各部狼狽北竄我軍遂

向雲溪追擊前進是時右縱隊第四軍克復通城第七軍進佔羊樓司黃蓋湖以南不復有敵踪矣

### 三 汀泗橋之役

通城既下二十三日蔣總司令卽令中央軍以右縱隊沿武長鐵路前進佔領武昌相機協同左縱隊攻取夏陽以左縱隊主力於武昌上游渡江攻取夏陽并令第一軍第二師於左縱隊渡河地點下游佔領陣地監視軍艦掩護渡江部隊二十四日右縱隊四七兩軍卽進佔崇陽分向蒲圻咸寧進發二十六日第四軍與敵激戰於汀泗橋汀泗橋爲武昌上游之天險其南西北三面皆水東則羣山聳峙祇西南端有鐵路長橋一道可通由平江通城岳州一帶潰退及後方增援之敵軍陳嘉謨部第一百團劉玉春及彭祖佑之軍官團共約二萬餘人由宋大霈指揮集中於此築堅強之工事憑險固守以待北方逆軍之來援及孫傳芳部之出動而我軍則決乘敵援未集以前迅速解決汀泗橋之敵以便直趨武漢兩軍戰鬥異常激烈第四軍與敵血戰一晝夜我以一部涉水包圍殲滅敵之一百團及軍官團至二十七日上午六時三十分始將敵之陣地突破克復汀泗橋時吳佩孚率劉玉春陳德麟各部南來增援設司令部於賀勝橋扼險以守親到前線督戰二十九日拂曉我四七兩軍在駕城鋪袁家鋪鍾家村王本立之線實施猛烈攻擊衝鋒肉搏前仆後繼吳佩孚以大刀隊監視各軍親刃後退將校冀以振作軍心轉敗爲勝卒以士無鬥志完全爲我軍擊破我軍乘破竹之勢克復賀勝橋紙坊各要地於八月一日進逼武昌城

#### 四 武漢各戰役

吳佩孚自在賀勝橋紙坊各地失敗後乃令劉玉春收拾殘部堅守武昌起用靳雲鶚爲武漢警備司令旋改爲全軍副司令以靳部高汝桐部之「銅帽軍」會同鄂軍劉佐龍師駐守漢陽而已則在漢口調度南下之援軍指揮各方之戰事國民革命軍對武漢之戰事分三路進行中路由李宗仁親自督率進攻武昌左翼第八軍及夏斗寅師由上游渡江進攻漢陽右翼第七軍之一部迂迴以攻漢口九月三日第七軍夏部佔領鄂城繳獲甚衆敵之東路遂以覆滅九月五日拂曉我第四第七兩軍及第一軍第二師選拔奮勇隊挾手槍炸彈援梯攀登餘部隨進猛攻武昌城蔣總司令及參謀長白崇禧均在前線指揮我砲兵則在洪山佔領陣地猛射掩護將士奮勇前進武昌九門受攻者六敵軍在城內蛇山砲台及城上佈置之槍砲頗佔地利射擊猛烈我軍死傷甚衆未能奏功然士氣不稍頓挫益加憤激是時我左縱隊由黃石磯十里鋪進攻漢陽與敵苦戰急進逼高汝桐部於龜山於六日拂曉佔領龜山因克漢陽鄂軍劉佐龍部輸誠革命軍遂改編爲第十五軍高師退駐漢口吳佩孚於七日退駐孝感讓漢口於劉佐龍兩漢完全克復兩漢克復之後武昌之敵困守孤城無能爲役蔣總司令乃改用封鎖政策令第四軍第八軍葉部監視城敵抽調第七軍向鄂東轉進以便入贛

武昌雖陷於孤城落日之境而逆軍始終不悟被圍四十日之久終至兵困糧絕軍心渙散不



昌武之烈劇最城攻 ↑



形情之雷地轟埋 ↑



料材破煤之用所城攻 ↑



城攻發出隊破煤 ↑

加參生學科兵頭期五校軍埔黃  
武向地陣山洪領佔時昌武攻伐北  
人敵之山駐集駐擊射內城昌



城攻進前蔽掩壕通交出軍我 ↑



械槍之人敵獲繳昌武克攻 ↑

旗日白天青之頭樓鐘黃 ↑

時昌武克攻 ↓  
隊護救地戰之



品用軍之人敵獲繳 ↑



亡死役之昌武十  
五百五十一民軍  
塚谷人六十

士將亡陣悼追昌武克攻 ↑



武昌戰後殘跡

可收拾十月十日黎明我第四第八軍之一部乘機由中和門保安門攻入劉玉春陳嘉謨被擒人馬械彈全數俘獲

吳佩孚退孝感後尙思作最後之掙扎乃調鄂西盧金山部及鄂北張聯陞部分攻武漢且令四川楊森出兵相助盧張既不願出兵楊又爲劉湘掣肘田維勤雖奉吳命由豫南率部來援亦不足當我軍之一擊我第八軍何劉兩師及夏斗寅部跟踪追擊竟於十八日佔領武勝關吳佩孚竄信陽鄂西盧金山部旋亦爲我第九軍所擊破楊森表示參加革命張聯陞亦被驅滅武漢戰事告終西顧之慮亦減我革命之基礎益以穩固蔣總司令遂注全力於長江下游之發展

#### 五 江西各戰役

當中央軍在鄂對吳作戰之時孫逆傳芳乘機進兵江西以謀伸其勢力於湘鄂命鄧琢如部任贛南萍鄉兩路而以主力盧香亭部由修水銅鼓出湘鄂邊境襲擊革命軍復以陳調元部沿長江西進共有兵力約十萬人九月初蔣總司令決乘敵軍集中未竣迅速進擊乃電令監視江西之第二第三兩軍由醴陵出萍鄉復調中央軍總預備隊第六軍出修水第一軍第一師自岳州出銅鼓更令第十四軍（在粵贛軍賴世璜部初編爲獨立第一師後編爲第十四軍）協同第二軍第五師及第五軍四十六團進攻贛南均於六日開始進攻同時大捷收復萍鄉修水武寧贛州各地

九月十三日蔣總司令電揭孫氏禍湘禍粵之野心詞嚴義正期望尤切電文云

中正出師討吳迭經宣言陳義至爲詳盡比讀執事陽電誤會滋多殊深怪異中正受先總理之遺教以完成國民革命爲職志而吳逆佩孚怙惡不悛近復受帝國主義之嗾使勾結叛軍陳師湘境假討赤之名期達其武力統一之迷夢中正受黨國之委託督師討伐師行所至敵衆望風披靡人民載道以迎賴將士勇於犧牲人民樂於贊助不旬日間用能底定湘鄂迅奏膚功豈如尊電所云竊國利民而雄者所能得此吳逆既已敗亡執事素以救國救民相號召自當乘此時機合力企圖建設庶免戰禍蔓延乃竟爲吳逆張目移江皖閩浙之兵於湘粵邊境希圖一逞執事禍湘禍粵之心實已如見肺腑來電反謂我軍擾汝邊圍侵汝贛西未免自欺欺人前者令唐福山謝文炳擾我湘南尙謂未越雷池一步苟延北洋正統之生命不惜喚起南北之爭反謂中正強分南北中正只知主義之異同無分南北之畛域彰彰在人耳目如馮樊各軍皆北方健兒以其同情於革命無不視爲同志期共安危此其明證至於我軍所用青天白日滿地紅國旗係先總理立志革命時所手訂稍知吾黨歷史者當能言之至動輒目人爲赤化者此吳逆之故智也執事明達何必蹈其窠臼執事果以保境安民爲職志懇速撤退駐贛各軍關於建設諸端自當從長計議東南各省得免兵禍固中正之所欣願惟執事詳察焉蔣中正元印

中央軍佔領武勝關後蔣總司令乃於十九日親率第一軍第二師轉贛督征以破竹之勢直迫敵於樟樹鎮而我第六軍及第一軍第一師協力猛進遂於十七日傍晚克復南昌旋以敵軍南北來援孫傳芳親來九江督戰敵衆我寡苦戰一晝夜卒以犧牲過大暫時放棄南昌撤至奉新安義之線徐圖進取蔣總司令乃令第三第六兩軍及第一師暫在原防取攻勢防禦命第二師警戒

三湖峽江之線而以第二軍轉向吉安協同第十四軍解決樟樹鎮之鄧部蔣鎮臣師直下南昌一面調第七軍及獨立第二師（湘軍賀耀組部編成後改爲四十軍）分道入贛并設總司令部行營於高安以便指揮軍事

南昌激戰之後孫傳芳命馬登瀛旅突進鄂境欲以威脅武漢兼斷湘鄂革命軍之聯絡適我第七軍奉命入贛乃自陽新向德安進發九月三十日乘敵盧部師長謝鴻勛之不備驟以三旅兵力圍謝部於若溪而殲滅之謝受重傷遁死十月三日我第七軍進佔德安謝本孫部之驍將其戰死已足寒敵人之膽而德安又爲我軍佔領更足以斷敵軍九江與南昌之交通且本月二三兩日我第三軍又大破敵軍於萬壽宮大廟上至是敵兵之氣已餒威脅武漢之計劃直同畫餅

蔣總司令以敵迭受重創乃乘機合圍南昌我第二軍及第二師與第十四軍之一部協同向南昌進逼十一日拂曉援梯攻城死傷枕藉敵困危城之中縱火洩忿延燒數日城且盡燼蔣總司令復於十九日電調第四軍自鄂入贛未幾第四軍及獨立第二師先後集中武寧於是頒總攻擊令（以第四第七兩軍及獨立第二師攻德安涂家埠第六軍攻樂化奏功後向涂家埠施行夾擊第三軍以一部牽制牛行之孫軍主力由蛟橋攻其右背第二第十四兩軍以一部向東鄉追擊孫軍主力向謝埠市鄧家埠之線進逼南昌第一軍爲總預備隊）十一月二日開始總攻是日第七軍克復德安（前雖佔領旋退筭溪）四軍又破敵軍於萬家壠孤山附近三日與獨立第二師合攻



馬迴嶺佔領之第四第七兩軍乃轉向涂家埠攻擊四日獨立第二師復乘勝進克九江孫傳芳之司令艦逃駛南京孫逆既遁敵軍無心應戰五日第六軍由樂化進佔涂家埠適第七軍自德安來會簡銳協追敵軍覆沒盧香亭僅以身免牛行瀛上之敵亦於六日被我第七軍陶旅消滅蔣鎮臣及困守南昌敵部悉被繳械十餘萬入贛之孫逆部隊一週之內喪失殆盡蔣總司令於七日入駐南昌十日午後五時乘南潯鐵路車抵九江市民沿途燃放爆竹歡迎若狂湘鄂贛三省既定北伐軍事遂告一段落

### 第七節 閩浙蘇皖諸役

#### 一 東路軍攻克閩省

當蔣總司令督軍征贛之際命潮州何總指揮應欽率兵攻閩以收東西夾擊之效何總指揮遂以潮州分校學生及福建建國軍幹部學校學生編成砲兵團又調黃埔教導團一團（即第二十師五十八團）及第十一師之五十一團開來潮州協同第一軍之第三師第十四師及獨立第四師準備進攻閩南我東路軍共計有步槍六千枝大砲六門之兵力於是何總指揮發表攻閩宣言略謂盤據閩省之周蔭人勾結直系軍閥吳佩孚孫傳芳等圖窺潮梅擾我後方應欽迫不得已對閩用兵以鞏固國民革命軍根據地凡我將士不顧利害生死以之務以打倒萬惡軍閥統一中國完成國民革命爲天職云關於潮汕防務乃令潮州分校教育長王繩祖率領學生協同代潮梅

警備司令何輯五擔任潮汕之後防以免海面孫軍艦隊之襲擊九月二十日何總指揮率東路軍集中閩邊并在大埔設立行營適逢蔣總司令電令略云贛省戰事日內即可解決閩軍目下不必亟亟惟須嚴備其來犯耳何奉電後即令動員各軍就地屯駐毋深入閩以待後命十月四日當我軍圍攻南昌最烈之時蔣總司令電令何總指揮向閩總攻何奉令後即率所部向漳州進發

福建偽督辦周蔭人兼敵第四方面軍司令在閩南之軍事佈置亦頗堅固設司令部於龍巖決定五路會師饒平之計劃周逆之兵力有步兵一師一旅及混成旅一旅衛隊團兩團共計步槍將近兩萬枝砲二十餘門以四倍於我東路軍之兵力於九月下旬當我軍北伐前敵部隊與敵相持於江西之銅鼓修水間時周逆令所部分向松口饒平焦嶺三路襲來并命主力孫雲鋒部在峯市爲各方之策應已則親率衛隊團工程營進駐永定指揮作戰

何總指揮見較我絕對優勢之敵數路攻來分兵迎擊苦於兵力不足遂決定採取各個擊破之戰術於十月八日親率各部直趨永定向周逆本部猛攻孫雲峯率部來援激戰一晝夜當將永定完全佔領俘獲無算周逆僅以身免其他各路逆軍均被我軍迴師痛擊各個擊破逆軍官兵大部被俘餘則潰竄漳州至是周之主力喪失殆盡已不足爲我北伐軍後顧之憂矣蔣總司令聞閩南捷報特於十九日電獎何總指揮督率有方殺敵致果

十月二十六日何總指揮率第三師譚曙卿部第十四師馮軼斐部及獨立第四師張貞部及

曹萬順與杜起雲等師分道攻閩進抵龍巖十一月七日譚部佔領新墟馮部佔領南靖八日張貞師佔領漳州二十三日東路軍佔領泉州十二月三日克復福州收編李生春張毅各部乘勝肅清閩東閩北敵人何總指揮於十七日進駐閩垣辦理投誠軍隊安輯地方事宜閩省完全底定

### 一一 軍政會議

十五年十二月間江西既已平定福建亦告克復蔣總司令於本月五日在廬山召集軍政會議討論關於目前軍政之整理及今後向皖浙蘇發展與對奉問題本月十五日蔣總司令又在武昌總司令部召集軍政要人會議決定此後之軍事進展及鞏固後方粵桂湘鄂贛閩各省計劃并討論對奉魯軍南下之態度等各重要問題本月二十二日通電各軍及各軍事機關定於年底在南昌行營召開軍事善後會議并令各軍軍長及總部各處處長先期集中南昌分組開會討論一切軍事善後問題

### 三 克復浙江

1 攻浙部署 國民革命軍克復江西後蔣總司令決計攻浙以王柏齡賀耀組張輝瓚魯滌平四部爲前鋒李宗仁部專注重長江北岸并令鄂贛各軍開赴贛東集中俟閩省何應欽軍到達目的地後以便大舉攻浙且擬親率師旅進駐饒州策應各路攻浙并任命總司令部參謀長白崇禧爲東路前敵總指揮以薛岳劉峙嚴重陳繼承各師編爲第一第三兩縱隊由白總指揮率領

由贛東進駐衢州以陳儀周鳳岐兩軍合編爲第二縱隊由富陽集中衢州又以馮軼裴賴世璜曹萬順戴岳等部編爲第四第五第六三縱隊分道入浙統歸東路軍何應欽指揮作戰

2 東路軍入浙 十二月三十日東路軍何總指揮率部抵閩北之仙霞嶺奉到蔣總司令命令尅日入浙十六年一月東路軍分期前進馮軼裴賴世璜兩師先行開拔李生春曹萬順兩師繼之何總指揮與俄顧問加羅覺夫及張貞師最後出發分向衢州金華嚴州等處開發當孫軍孟昭月周蔭人會師蘭谿之時白崇禧亦率兵趕至衢州激戰相持何總指揮亦率東路軍分五路由海陸兩道兼程前進以期一鼓而殲滅當前之敵

二月初旬嚴州之役孫軍佔據高地嚴陣以待白總指揮以嚴重之十二師一再猛攻敵軍敗走桐廬之役敵又大敗最後敵據富陽憑險頑抗卒由我軍肉搏血戰擊走之孟昭月部退集嘉興周蔭人部退集蘇滬白總指揮於十九日率中路軍入杭州周鳳岐部入紹興圍繳孫軍衛隊旅孫軍中路亦敗退淞江於是浙江境內卽告肅清

#### 四 攻克甯滬

1 底定淞滬 我軍定浙後卽乘勝進攻淞滬時淞滬已爲直魯軍張宗昌褚玉璞各部竊據何總指揮乃令白前敵總指揮率第一第二第三各縱隊及李明揚之先遣隊進攻并通報海軍協同動作白奉命後當率薛岳劉峙二師由嘉興沿滬杭路北進周鳳岐軍經平湖松隱向金山衛

由贛東進駐衢州以陳儀周鳳岐兩軍合編爲第二縱隊由富陽集中衢州又以馮軼裴賴世璜曹萬順戴岳等部編爲第四第五第六三縱隊分道入浙統歸東路軍何應欽指揮作戰

2 東路軍入浙 十二月三十日東路軍何總指揮率部抵閩北之仙霞嶺奉到蔣總司令命令尅日入浙十六年一月東路軍分期前進馮軼裴賴世璜兩師先行開拔李生春曹萬順兩師繼之何總指揮與俄顧問加羅覺夫及張貞師最後出發分向衢州金華嚴州等處開發當孫軍孟昭月周蔭人會師蘭谿之時白崇禧亦率兵趕至衢州激戰相持何總指揮亦率東路軍分五路由海陸兩道兼程前進以期一鼓而殲滅當前之敵

二月初旬嚴州之役孫軍佔據高地嚴陣以待白總指揮以嚴重之十二師一再猛攻敵軍敗走桐廬之役敵又大敗最後敵據富陽憑險頑抗卒由我軍肉搏血戰擊走之孟昭月部退集嘉興周蔭人部退集蘇滬白總指揮於十九日率中路軍入杭州周鳳岐部入紹興圍繳孫軍衛隊旅孫軍中路亦敗退淞江於是浙江境內卽告肅清

#### 四 攻克甯滬

1 底定淞滬 我軍定浙後卽乘勝進攻淞滬時淞滬已爲直魯軍張宗昌褚玉璞各部竊據何總指揮乃令白前敵總指揮率第一第二第三各縱隊及李明揚之先遣隊進攻并通報海軍協同動作白奉命後當率薛岳劉峙二師由嘉興沿滬杭路北進周鳳岐軍經平湖松隱向金山衛

前進嚴重師李明揚旅經平湖出吳江佔領蘇州曹萬順軍出長興企圖由滬甯路圍攻淞滬三月下旬沿黃浦江扼守之周蔭人殘部經周鳳岐軍之偷渡猛擊棄險而走江蘇內河水警統領何嘉祿助戰陣亡各軍遂會攻淞滬敵出其最精銳之白俄兵用鐵甲車猛烈抗戰經兩晝夜之激戰卒將淞滬摧破至此江南之直魯軍知不能抗向北潰退淞江上海相繼克復

2 海軍助戰 海軍楊總司令樹莊於我軍未入浙之前即與我軍聯絡有取淞滬之企圖及東路軍入浙後繼攻淞滬海軍亦協同由海面向敵進攻至上海克復後楊總司令樹莊遂正式宣言就國民革命軍海軍總司令職所有海軍軍艦編爲三個艦隊以陳季良爲第一艦隊司令陳紹寬爲第二艦隊司令陳訓泳爲練習艦隊司令我革命軍海軍實力益以大振

3 攻取安徽規復南京 十六年二月我軍定規復安徽與南京之計劃以主力略取南京肅清長江下游除任唐生智爲西路軍總指揮向京漢路進展任何應欽爲東路軍總指揮向津浦路壓迫外蔣總司令自兼中央軍總指揮中央軍分爲江左軍及江右軍任李宗仁爲江左軍總指揮程潛爲江右軍總指揮限本月二十日以前西路軍集中黃陂孝感一帶東路軍集中嚴衢一帶中央軍之江左軍集中英山霍山一帶江右軍集中九江祈門一帶迨集中後西路軍由武勝關進窺河南東路軍由浙江進窺淞滬并協助江右軍略取南京江左軍由英山霍山進取安慶并協助江右軍攻取南京後進窺津浦路江右軍由九江東下略取蕪湖南京此作戰計劃之大要也當時



北平先鋒隊在川路先懸旗歡迎北伐軍




北平先鋒隊在海上抵隊遺先鋒隊北





行巡大和勝伐北祝慶衆民海上↑



械遺軍敵↑



江右軍分爲三縱隊第一縱隊第六軍第十七第十九兩師於本月二十二日由九江沿馬當東下留第九師鎮懾湖口馬當一帶第二縱隊第二軍第四第五第六各師由贛東協助東路軍入浙第三縱隊獨立第二師第一第二第三各旅在祈門附近集結程總指揮率部向秋蒲一帶前進三月上旬安徽陳調元王普投誠我軍遂將所部編爲北路軍任陳調元爲總指揮王普爲軍長安徽遂不血刃而定程總指揮命第一縱隊出貴池經大通向蕪湖前進第三縱隊由青陽亦向蕪湖前進第二縱隊經甯國廣德向高淳前進時當塗有魯軍數千與蕪湖相逼處我軍第十七師楊師長杰於三月六日派隊先至蕪湖三月十五日程總指揮下令總攻第一縱隊向當塗博望進攻第三縱隊攻陷薛鎮新市鎮并協攻當塗第二縱隊攻洪藍埠及溧水遂於三月十六日完全佔領當塗溧水之線乘勝追擊於三月二十一日江右軍全線攻擊前進佔領江陵鎮陶吾鎮秣陵關及龍都鎮二十二日又激戰於板橋鎮牛首山觀音山尖山淳化鎮等地是時我東路軍已先後驅逐常州丹陽無錫之敵何總指揮令第四第六兩縱隊積極向南京前進二十二日到達鎮江二十三日抵蜀山句容附近時我江右軍正向南京攻擊將觀音山尖山幕府山一帶之敵擊潰紛紛向雨花台退却狼狽逃竄我第十九師於午后六時進入南京東路軍亦進至棲霞東流鎮之線知南京已爲我軍佔領何總指揮遂令第六縱隊在湯水鎮附近待命親率第四縱隊入駐南京

第八節 奠都南京

我軍克復滬甯後共產黨徒知北伐完成於彼不利乃千方百計煽惑工人離間軍隊思欲顛覆國民革命篡竊本黨黨權是時幸賴我忠實同志一心一德一面抵抗敵人一面鎮伏共黨始將黨國根基逐漸鞏固乃遵 總理遺教於十六年四月十八日奠都南京發表宣言如左

在此國民革命急速進展與民衆熱烈盼望國民革命完成之時期中政府謹遵 總理遺志接受多數同志之主張依據中央政治會議決議於四月十八日在南京開始辦公南京地位在黨務上政治上軍事上地理上均較武漢重要定都以後本政府所負領導國民革命與建設民國之責任愈益重大同時帝國主義與帝國主義的工具軍閥買辦土豪劣紳以及中國共產黨破壞國民革命危害本黨者亦將環迫而來求最後之一逞在千鈞一髮嚴重情形之下本政府受中央黨部與民衆付託之重惟有秉承 總理全部遺教繼續努力一方面集中全國革命份子於三民主義之下共同奮鬥務使一切帝國主義殘餘軍閥及一切反革命派斷絕根株尤須於最短期間開國民會議廢除不平等條約實現三民主義使中華民國成獨立自由之國家中華民族成爲自由平等之民族同享民有民治民享之幸福蓋惟三民主義爲救中國之唯一途徑亦惟三民主義爲造成新世界之唯一工具本政府所行政策惟求三民主義之貫徹凡反對三民主義者即反革命反對國民革命而爲階級獨裁者即反革命本政府對於 總理在天之靈護黨救國責無旁貸誓與全民衆對此等頑梗強敵爲殊死戰至國民革命的方略一曰使黨軍愈與人民密切的相結合二曰造成廉潔之政府三曰提倡保護國內之實業四曰保障農工團體之利益並扶助其發展此爲中央黨部發布之政策本政府接受必切實推行而有以發揚光大之本政府於此敢掬誠悃昭告於革命將領革命同志及全國國民曰貫徹三民